



欽定歷代職官表

11

7保4  
4544  
20







河標副將游擊都司守備管塘理務千總把總

職官表卷五十九

河道各官表

廣雅書局

魏都  
治河

工千戶

六三十一

官 牘

門長

監堤官  
監堰官

各關提調官  
領官  
監官

河營參將 蕩營參將 游擊 守備 千總 把總

中郎將  
修治河  
難

沿河指  
揮使  
收採薪  
柴使臣

管河指  
揮

大四十三

河道各官

國朝官制

河道總督江南一人駐淮安山東河南一人駐濟寧州直隸一

人以總督兼管

江南河道總督掌黃淮會流入海洪澤湖汕黃濟運南北  
運河洩水行漕及瓜州江工支河湖港疏濬隄防之事山  
東河南河道總督掌黃河南下汶水分流運河蓄洩及支  
河湖港疏濬隄防之事順治初止設總河一人綜理黃運  
兩河事務駐劄濟寧州康熙十六年以後江南河工緊要  
移駐清江浦雍正二年以河南武陟中牟等縣隄工緊要  
設副總河一人駐劄濟寧州總河兼理南北兩河副總河

專理北河七年改總河爲總督江南河道副總河爲總督  
河南山東河道分管南北兩河初南北兩總河並兼兵部  
尙書右都御史銜乾隆四十八年奉

旨以總河無地方之責況又有由道員陞署及簡擢初任之員  
嗣後但給與兵部侍郎右副都御史銜著爲令直隸河道  
總督掌漳衛入運歸海永定河疏濬隄防之事雍正八年  
置以直隸總督兼管

河庫道一人河道十一人

河庫道駐劄清江浦掌出納河帑而歲要其成于總督江  
南淮徐河道駐徐州淮揚河道駐淮安山東運河道駐濟  
寧直隸永定河道駐固安皆掌專理河務山東兗沂曹兼

大三百九十九

管黃河道駐兗州河南開歸陳道駐開封彰衛懷道駐武  
陟直隸通永河道駐通州天津河道駐天津清河道駐保  
定大廣順河道駐大名皆掌分巡所屬而兼理河務其山  
東運河道河南二道直隸五道又兼掌河帑之出納  
管河同知二十七人通判二十五人州同十人州判二十八人縣  
丞七十三人主簿六十九人巡檢二十五人吏目二人典史四  
人兼管河務知縣十八人

江南淮徐河道轄銅沛邳睢宿虹桃源同知四人豐蕭碭  
宿遷運河通判二人二十四汛州同州判各一人縣丞五  
人巡檢七人內大壩運河二汛各巡檢二人主簿十有二人淮揚河道轄  
山清裏河山清外河山安海防江防同知五人高堰山盱

桃源安清中河揚河揚糧水利通判六人三十八汎州同  
州判各三人縣丞十有四人主簿十人巡檢八人又西溪  
司安豐司管河巡檢各一人○山東運河道轄運河鄒沂  
海贛同知二人泲河捕河上河下河泉河通判五人二十  
八汎州同州判各三人縣丞九人內一丞管二汎主簿十有二人  
分理泉河州同二人府經歷三人縣丞六人巡檢一人充  
沂曹道轄曹單黃河同知一人四汎縣丞一人主簿二人  
巡檢一人○河南開歸道轄上南河下南河同知二人儀  
考商虞通判二人十二汎州判一人縣丞七人主簿四人  
彰衛懷道轄懷慶黃河開封上北河下北河同知三人彰  
德河務衛輝鹽河懷慶河務曹儀河務通判四人二十汎

縣丞八人主簿十人巡檢二人又林縣管河典史一人○  
直隸永定河道轄石景山永定河南岸北岸同知三人三  
角淀通判一人十五汎州判三人縣丞主簿各五人吏目  
二人通永河道轄北運河務關同知一人北運河楊村蘇  
運糧河通判二人十三汎州同一人州判四人縣丞三人  
主簿五人天津河道轄南運河津軍河間河捕同知二人  
泊河子牙河通判二人西汎清河故城吳橋管河縣丞各  
一人東汎景州滄州管河州判各一人天津管河縣丞一  
人東光交河南皮青靜海獻管河主簿各一人青縣管河  
巡檢一人清河道轄保定河捕同知一人正定糧馬河通  
判一人分汎冀州祁州安州管河州判各一人武強隆平

寧晉兼管河務知縣各一人清苑蠡高陽新安雄安肅新城管河縣丞各一人保定任唐管河主簿各一人滿完方順橋管河巡檢各一人深澤管河典史一人大廣順河道轄廣大漳廣平河務漳河同知三人分汛永年邢臺沙河南河平鄉廣宗鉅鹿唐山內邱任元城大名魏長垣東明兼管河務知縣十有五人元城大名魏長垣管河縣丞各一人永年成安管河典史各一人凡河務自管河同知以下為專司知縣為兼職各掌汛河隄堰壩歲修搶修及挑濬淤淺導引泉流并江防海防各工程同知通判總理督率州同州判以下分汛防守

插官四十三人

未入流

大四百六十六

掌司插之啟閉以時蓄洩江南十四插插官十有一人

官管山東四十八插插官三十一人

內一官管一插者九一官管三插者四

直隸一人

江南河標副將二人遊擊一人都司三人守備二人管理塘務一人千總八人把總十有六人管理塘務二人河東河標副將一人遊擊二人都司一人守備二人管理塘務一人千總六人把總十有二人

掌催護工程江南河標中軍副將一人其屬中軍都司一人管理塘務一人左右哨千總二人把總五人河標左營副將一人其屬中軍都司一人千總二人把總三人右營守備一人千總一人把總二人蕭營都司一人把總二人



河標右營遊擊一人其屬中軍守備一人左右哨千總三人把總四人河東河標中軍副將一人其屬都司一人管理塘務一人千總二人把總四人河標左營遊擊一人其屬守備一人千總二人把總四人河標右營遊擊一人其屬守備一人千總二人把總四人

江南河營參將一人遊擊二人守備二十人千總十有七人把總三十人葦蕩營參將一人守備二人千總二人把總二人山東黃運河營守備一人千總五人把總二人東昌德州二衛管河守備各一人德州運河南北兩岸管河千總各一人河南豫河懷河二營守備各一人協辦守備各一人千總四人把總三人直隸永定河河營守備一人千總九人把總十有五人

凡河營參將以下皆掌河工調遣及守汛防險之事葦蕩營參將以下掌採葦蘆以供修築隄埽之用江南河營參將轄淮徐營遊擊一人九營守備九人二十一汛千總八人把總十有三人淮揚營遊擊一人十一營守備十有一人二十六汛千總九人把總十有七人葦蕩營參將轄左右營守備千總把總各二人山東黃運河營守備轄七汛千總五人把總二人河南豫河懷河二營守備轄七汛千總四人把總三人直隸永定河營守備轄南北岸淀河三汛千總把總各一人石景山汛千總一人北運河汛千總把總各三人南運河汛千總一人把總八人東淀堡船千總一人西淀堡船把總一人

歷代建置

謹案河自周定王時徙流之後至漢復決屢遣使者塞治嗣後河患罕見未嘗特設官以治之至五代及宋潰溢時間爲患始大於是宋有外都水使者外都水丞金有都水分監元有行都水監河防使等官明則河道總督與漕臣屢爲分合此卽今總河之沿革特宋金元河患多在兗豫故置監于澶衛滑鄭等州明則全河大勢南趨又會通河旣成與大河實相表裏當事者惟以利漕護陵爲急故總河之官置于濟寧所治多在淮徐此又其情形之小異者綜其因革之畧漢以後所置都水河隄等官皆在京師所司者乃天下水利凡川澤津梁渠堰陂池之屬無不隸焉並非專事河防今其職已併入工部都水司與河道總督之職較殊但自宋以前防河並無專官而宋金元之都水外監都水行監實今日總河之職掌自漢以來之都水使者都水監又宋金元都水外監都水行監之權輿規制雖屬不同而源流未可概畧今故仍互見于此表焉

三代

〔周禮考工記〕匠人爲溝洫凡溝必因水勢防必因地理善溝者水漱之善防者水淫之

謹案通典敘都水之官始于舜之命益作虞周禮之林衡川衡然虞衡掌山澤之厲禁而貢其物屬于地官非

河渠之職而舜時禹以司空平水土周禮冬官雖亡而考工記匠人掌為宮室溝洫實冬官之屬是河渠之事實匠人之所兼管也

秦

杜佑通典秦漢有都水長丞主陂池灌溉保守河渠謹案秦漢之都水長丞東漢時改屬郡國是其官設于郡國若今河工同知以下等官也

漢

漢書溝洫志河決于館陶及東郡金隄泛濫兗豫河隄使

者王延世使塞

師古曰命其為使而塞河也

漢書平當列傳當以經明禹貢使行河為騎都尉領河隄

關駟十三州志成帝時以校尉王延世為河隄謁者秩千石或名其官為護都水使者

漢書百官公卿表太常屬官有均官都水兩長丞大司農屬官有郡國諸倉農監都水六十五官長丞少府屬官有胞人都水均官三長丞水衡都尉屬官有衡官水司空都水農倉又甘泉上林都水七官長丞京兆尹屬官有都水鐵官兩長丞左馮翊屬官有左都水鐵官雲壘長安四市四長丞右扶風屬官有都水鐵官廢靡廚四長丞

通典武帝以都水官多乃置左右使者以領之

劉向為左都水使者

是也又續漢百官志曰劉向領三輔都水

謹案漢百官表太常大司農少府水衡都尉三輔皆有

都水長丞蓋太常掌陵邑其都水主陵邑之水利也大  
司農掌穀貨其都水主郡國農田之水利也少府掌山  
海地澤之稅其都水主郡國山海地澤之水利也水衡  
都尉掌上林苑其都水主苑內之水利也三輔之都水  
各主其所治邑之水利也而都水使者居京師以領之  
有河防重事則出而治之卽今總河之任也

後漢書循吏列傳顯宗詔王景與將作謁者王吳共修作  
浚儀渠吳用景塢流法水乃不復爲害永平十二年議修  
汴渠遣景與王吳修渠築隄明年渠成王吳及諸從事掾  
史皆增秩一等景三遷爲侍御史十五年拜河隄謁者  
通典東京凡都水皆罷之併置河隄謁者

謹案漢侍御史秩六百石王吳由侍御史遷河隄謁者  
則其秩當千石是東漢之河隄謁者卽西漢之都水使  
者矣

後漢書百官志少府世祖改都水屬郡國○其郡有鹽官  
鐵官都水官者隨其廣狹置令長及丞秩次皆如縣道官  
無分土

謹案後漢書百官志大司農亦無都水官蓋與少府皆  
改屬郡國也又後漢水衡都尉官省而上林苑本三輔  
地太常陵邑罷屬三輔而三輔亦列郡也是不獨大司  
農少府屬官之都水改屬郡國卽太常水衡三輔之都  
水官亦皆分屬於其郡矣

後漢書循吏列傳汴渠成詔濱河郡國置河隄員吏如西京舊制

謹案兩漢之河隄員吏唐之渠長斗門長卽後世之插官也

三國

晉書職官志漢東京省都水置河隄謁者魏因之

酈道元水經注魏景初二年遣都督沙丘部監運諫議大夫寇茲帥五千人歲常修治平河岨  
謹案此爲將弁催督河工之始

晉

晉書職官志都水使者漢水衡之職漢又有都水長丞東京省都水置河隄謁者及武帝省水衡置都水使者一人以河隄使者爲都水官屬及江左省河隄謁者置謁者六人

通典晉武帝省水衡置都水臺有使者一人

謹案漢之水衡都尉掌上林苑蓋周禮林衡水衡之職其屬官雖有都水而水衡實不掌治水猶太常少府之屬有都水而二官初不掌治水也魏始以水衡都尉主天下水軍舟船至晉改水衡爲都水使者晉諸公贊云陳勰有巧思爲都水使者洛陽記云千金堰魏所造則都水掌河渠明矣宋書百官志云晉懷帝永嘉六年都水使者爰濬出督運則晉都水又掌漕運兼今總漕之

職蓋治河治漕事本相資又晉時其務尙簡故併以一官掌之梁之大舟卿主舟航河隄隋唐之都水監領舟楫河渠二署舟楫掌公私轉漕河渠掌修補隄堰皆兼主河漕二務實與晉時職掌不殊至先天置發運使開元置轉運使而漕務始有專司於是舟楫署廢都水官始專掌水利於漕務無預矣

通典後漢晉初都水使者有參軍二人蓋亦丞之職任水經注晉秦始皇三年遣監運太中大夫都匠中郎將樂世帥眾五千餘人修治河灘

謹案晉以中郎將治河此將弁司河工調遣之始

宋齊梁陳

宋書百官志都水使者一人

冊府元龜齊置都水臺使者一人

隋書百官志大舟卿梁初爲都水臺使者天監七年改焉位視中書郎主舟航河隄

通典梁改都水使者爲大舟卿陳因之

謹案都水臺使者爲晉及宋齊之舊官梁改爲大舟卿而兼掌舟航河隄則宋齊之都水使者亦兼掌河務明矣

隋書百官志梁都水臺使者一人參軍事二人河隄謁者八人

謹案東漢之河隄謁者卽西京之都水使者也至晉而

河隄爲都水之屬至梁又列于參軍之下則其秩轉卑矣

〔通典〕梁大舟卿有丞陳因之

北魏

〔魏書官氏志〕都水使者第四品中河隄謁者第六品下高祖復次職令都水使者從第五品

〔通典〕後魏初有水衡都尉及河隄謁者都水使者官至永平二年都水臺依舊置二使者梁大舟卿有丞後魏北齊又曰參軍

謹案魏都水參軍不載于官氏志蓋其品秩當在河隄謁者之下

北齊

〔隋書百官志〕齊都水臺管諸津橋使者二人參事十人

〔冊府元龜〕北齊有都水臺使者從第五品有丞及參事河隄謁者錄事船局都津尉丞典作津長等員

後周

〔唐六典〕周司水中大夫一人

隋

〔隋書百官志〕都水臺使者及丞二人參軍三十人河隄謁者六十人

〔通典〕隋開皇二年廢都水臺入司農十三年復置仁壽元年改臺爲監更名使爲監煬帝又改爲使者尋又爲監加

置少監又改監及少監並爲令領舟楫河渠二署○河渠署煬帝置令丞各一人

謹案漢之都水丞其後亦曰參軍至隋丞與參軍並置而丞與使者並二人是其品秩相亞煬帝所置之少監卽丞之更名也參軍及河隄謁者爲都水之屬而丞及少監則都水之貳也

唐

新唐書百官志都水監使者二人掌川澤津梁渠堰陂池之政總河渠諸津監署丞一人掌判監事○河渠署令一人丞二人掌河渠陂池隄堰魚醢之事河隄謁者六人掌完隄堰利溝瀆魚捕之事○諸津令各一人丞二人掌天

下津濟舟梁壩橋凡舟渠之備皆先擬其半柳竹塞籊所在供焉○州士曹司士參軍事掌津梁舟車

通典唐武德八年置都水臺後復爲都水署置令隸將作貞觀中復爲都水監置使者龍朔二年改爲司津監丞咸亨元年復舊光宅元年改都水監爲水衡置都尉神龍元年復爲都水監置使者二人分總其事不屬將作領舟楫河渠二署

謹案唐都水之屬有河渠令丞河隄謁者諸津令而州又有司士參軍掌津梁此卽宋時州縣長吏主河隄之所由起也

新唐書百官志每渠及斗門有長一人



五季

冊府元龜後唐莊宗同光中諸寺監各只置大卿監

宋史河渠志河自周顯德初大決東平之楊劉宰相李穀監治自楊劉迄張秋以沮遏之水患少息

司馬光資治通鑑河自楊劉至于博州連年東潰朝廷屢遣使者不能塞顯德元年十一月帝遣李穀詣澶鄆齊按視隄塞役徒六萬三十日而畢

謹案此為後世河患之始亦為後世特遣大臣治河之始

宋

宋史職官志都水監舊隸三司河渠案嘉祐三年始專置

監以領之判監事一人以員外郎以上充同判監事一人以朝官以上充丞二人主簿一人並以京朝官充輪遣丞一人出外治河埽之事或一歲再歲而罷其有諳知水政或至三年置局于澶州號曰外監元豐正名置使者一人丞二人主簿一人使者掌中外川澤河渠津梁隄堰疏鑿浚治之事丞參領之南北外都水丞各一人都提舉官八人監埽官百三十有五人皆分職埽事元祐四年復置外都水使者五年詔南北外都水丞並以三年為任

宋史河渠志至和二年詔以知澶州事李璋為總管轉運使周沆權同知澶州內侍都知鄧保吉為鈴轄殿中丞李仲昌提舉河渠內殿承制張懷恩為都監而保吉不行以

內侍押班王從善代之以龍圖閣直學士施昌言總領其事提點開封府界縣鎮事蔡挺勾當河渠事楊緯同修河決○熙寧六年始置修濬黃河司將自衛州濬至海口差范子淵都大提舉官吏奉給視都水監丞司行移與監司敵體

謹案自東漢以後至唐末率鮮河患都水之官皆置司京師遙領河渠之務而已五代河患萌芽周顯德初大決楊劉至宋而爲患益甚於是使有都水外監是爲治河之官在外置司之始外監分置南北是爲治河之官分任南北之始然宋時治河六塔二股工役妄興東流北流議論紛起因事置官其名不一故都水監之外又有提舉河渠司都大提舉修河司皆總河之任也

宋史職官志元祐七年議同河東流乃詔河北東西漕臣及開封府界提點各兼南北外都水事

宋史河渠志元祐七年詔南北外兩丞司管下河埽今後令河北京西轉運使副判官府界提點分認界至內河北仍於衙內帶兼管南北外都水公事

謹案宋都水監之屬有都提舉八人元祐時又令轉運使副皆兼都水事此卽今日河道之職都提舉專司河務熙寧四年程昉都大提舉黃御等河八年都大提舉大名府界金隄范子淵元豐二年董用臣都大提舉導洛通汴元祐五年提舉東流故道李偉此卽今日淮徐

淮楊永定河道之比漕臣兼理河務此卽今日充沂曹等河道之比

宋史河渠志塘灤諸水所聚因以限遼河北屯田司緣邊安撫司皆掌之而以河北轉運司兼都大制置

謹案河北轉運使制置塘灤若今直隸總督兼總河之職而緣邊屯田安撫司掌塘灤若今直隸通永清河大名大廣順四道兼河務之事也

宋史河渠志乾德五年詔開封大名府鄆澶滑孟濮齊淄滄棣濱德博懷衛鄭等州長吏並兼本州河隄使開寶五年詔自今開封等十七州府各置河隄判官一員卽以本州通判充如通判闕員卽以本州官充咸平五年詔緣河

官吏雖秩滿須水落受代知州通判兩月一巡隄縣令佐迭巡隄防轉運使勿委以他職

謹案宋之河隄判官卽今河工同知以下等專理河務者也開封大名府鄆澶等州長吏各兼本州河隄使卽今知縣之兼理河務者也

馬端臨文獻通考天下堰二十一監官各一人渡總六十五處監官各一人皆以京朝官三班使臣充亦有以本處監當兼掌者

宋史河渠志乾德八年滑州河決壞靈河縣大堤詔殿前都指揮使韓重贇馬步軍都軍頭王廷義等督士卒丁夫數萬人治之太平興國七年滑州復言房村河決發卒五

萬以侍衛步軍都指揮使田重進董其役

謹案此宋以將弁司河務但暫出董役役罷則還與今河營等官常置者不同耳

宋史河渠志舊制歲虞河決有司常以孟秋預調塞治之物梢芟薪柴榵榦竹石芟索竹索凡千餘萬謂之春料詔下瀕河諸州所產之地仍遣使會河渠官吏乘農隙率丁夫水工收採備用凡伐蘆荻謂之芟伐山木榆柳枝葉謂之梢

謹案治河之用芻芟為要漢塞瓠子以薪不屬為憂宋遣使調賦而官不常置至

國朝置葦蕩營以三品武臣主之今河工員弁於沿河隨

地捐資種葦柳小楊備用視所植多寡分別甄敘民種者給以冠帶營官得餘葦十萬束以上者敘其勞不及數者有罰不煩調採而事易集誠良法也

遼

王圻續文獻通考遼南面都水監設官曰都水大監都水少監并監丞主簿

金

金史百官志都水監分治監專規措黃沁河衛州置司監

正四品掌川澤津梁舟楫河渠之事少監從五品

明昌二年增一員衛州分治丞二員正七品內一員外監分治貞元元年置掾

正八品掌與丞同外監分治勾當官四員准備分治監差

委正大二年外監東置於歸德西置于河陰○都巡河官從七品掌巡視河道修完隄堰栽植榆柳凡河防之事分治監巡河官同此其瀘溝崇福上下埽都巡河兼石橋使通濟河節巡官兼長春宮地分河道都巡河官掌提控諸埽巡河官散巡河官黃汴巡河官下六處河陰雄武滎澤原武陽武延津各設散巡河官一員黃沁都巡河官下四處懷州孟津孟州城北各設黃沁散巡河官一員衛南都巡河官下四處新鄉崇福上崇福下衛南淇上散巡河官各一員滑濬都巡河官下四處武城白馬書城教城散巡河官各一員曹甸都巡河官下四處東明西佳孟華陵城散巡河官各一員曹濟都巡河官下四處定陶濟北寒山

金山散巡河官各一員

金史河渠志黃河沿河上下凡二十五埽六在河南十九在河北埽設散巡河官一員雄武滎澤原武陽武延津五埽則兼汴河事設黃汴都巡河官於河陰以涖之懷州孟津孟州及城北之四埽則兼沁水事設黃沁都巡河官一員於懷州以涖之崇福上下衛南淇上四埽屬衛南都巡河官則居新鄉武城白馬書城教城四埽屬濬滑都巡河官則處教城曹甸都巡河官則總東明西佳孟華凌城四埽曹濟都巡河官則司定陶濟北寒山金山四埽者也故都巡河官凡六員後又特設崇樞上下埽都巡河官兼石橋使凡巡河官皆從都水監廉舉總統埽兵萬二千人歲

用薪百一十萬三千餘束草百八十三萬七百餘束椿杙之木不與此備河之恆制也○大定二十七年以南京府及所屬延津封邱祥符開封陳畱胙城杞縣長垣歸德府及所屬宋城寧陵虞城河南府及孟津河中府及河東懷州河內武陟同州朝邑衛州汲新鄉獲嘉徐州彭城蕭豐孟州河陽溫鄭州河陰滎澤原武汜水濬州衛陝西閩鄉湖城靈寶曹州濟陰滑州白馬睢州襄邑滕州沛單州單父解州平陸開州濮陽濟州嘉祥金鄉四府十六州之長貳皆提舉河防事四十四縣之令佐皆管勾河防事○泰和六年尙書省以凡漕河所經之地州縣官以爲無與于己多致淺滯於是遂定制凡漕河所經之地州府官衙內

皆帶提控漕河事縣官則帶管勾漕河事俾催檢綱運營護提岸爲府三大興大名彰德州十二恩景滄青獻深衛濬滑磁洺通縣三十三大名元城館陶夏津武城歷亭臨清吳橋將陵東光南皮清池靖海興濟會川交河樂壽武強安陽湯陰臨漳成安滏陽內黃黎陽衛蘇門獲嘉新鄉汲潞武清香河滹陰十二月通濟河勅設巡河官一員與天津同爲一司通管漕河腠岸上名天津河巡河官隸都水監○大定八年滹沱河創設巡河官二員○大定二十九年工部言營築河隄用工六百八萬餘就用埽兵軍夫外有四百三十餘萬工當用民夫詔命去役所五百里州府差顧仍命彰化軍節度使內族裔都水少監大壽齡提

控五百人往來彈壓明昌四年敕都水監官隄控修築黃河隄及令大名府差正千戶一員部甲軍二百人彈壓勾當

元

〔元史百官志〕都水監二員秩從三品掌治河渠並隄防水利橋梁牖堰之事少監一員正五品監丞二員正六品領河道提舉司○大都河道提舉司提舉一員從五品同提舉一員從六品副提舉一員從七品○河南山東都水監至正六年以連年河決為患置都水監以專疏塞之任行都水監至正八年河水為患詔于濟寧鄆城立行都水監九年又立山東河南等處行都水監十一年立河防提舉

司隸行都水監掌巡視河道從五品十二年行都水監添設判官二員十六年又添設少監監丞知事各一員

〔元史賈魯傳〕至正十一年命賈魯以工部尙書為總治河防使進秩二品

〔元史河渠志〕至元二年都水監言運河二千餘里漕公私物貨為利甚大自兵興以來失于修治部議以濱河州縣佐貳之官兼河防事於各地分巡如有闕破即率眾修治都省准議

〔元史泰定帝本紀〕泰定二年三月姚燁以河水屢決請立行都水監於汴梁仍命瀕河州縣正官皆兼知河防事從之

謹案元時河工設官不盡見於史觀此則濱河長吏佐貳皆兼河防如宋金之制矣

元史河渠志會通河起東昌路須城縣安山之西南由壽張西北至東昌又西北至于臨清以逾于御河其長二百五十餘里中建牖三十有一度高低分遠邇以節蓄洩○至元二十七年都漕運司副使言去歲流水衝壞城汶河土堰兗州泗河土堰必須移入兗州泰安州差夫修閉又被漲水衝破梁山一帶堤堰乞移文斷事等官轉下東平路修閉若以後新河水小直下濟州監牖官並泰安兗州東平修理○延祐六年金溝牖提領周德興言每歲夏秋霖雨衝失牖隄必候水落役夫採薪修治

謹案宋時汴河蔡河廣濟河金水河御河置牖金時高良河白蓮潭漳河置牖皆見于河渠志但其設官與否不可考至元開會通河置牖節宣而監牖官金溝牖提領之名見于此此會通河置牖官之始

明

明會典總理河漕兼提督軍務一員永樂九年遣尙書治河自後閒遣侍郎都御史成化後始稱總督河道正德四年定設都御史嘉靖十三年以都御史加工部職銜提督山東河南直隸河道隆慶四年加提督軍務萬曆五年改總理河漕兼提督軍務八年革

明史河渠志成化七年命王恕為工部侍郎奉敕總理河



道總河侍郎之設自恕始也宏治二年命白昂爲戶部侍郎修治河道賜以敕嘉靖四十四年命朱衡爲工部尙書兼理河漕又以潘季馴爲僉都御史總理河道萬厯五年命吳桂芳爲工部尙書兼理河漕而裁總河都御史官桂芳甫受命而卒六年夏潘季馴代自桂芳季馴時罷總河不設其後但以督漕兼理河道十五年命工科都給事中常居敬行河居敬及御史喬璧星皆請復專設總理大臣乃復命潘季馴爲右都御史總督河道二十三年總河工部尙書楊一魁議欲分殺黃流以縱淮別疏海口以導黃而督運尙書褚鈇則以江北歲浸民不堪大役欲先洩淮而徐議分黃二十六年撤鈇命一魁兼管漕運三十年帝

以楊一魁不塞黃壩口致衝祖陵斥爲民分設河漕二臣命曾如春爲工部侍郎總理河道

明史潘季馴列傳萬厯十六年起季馴爲右都御史總督河道自吳桂芳後河漕皆總理自是始設專官

謹案漕務河務事本相資然自元以前河之潰決未遽有妨于漕也自明時會通河旣成二洪以下黃運兩河實相表裏故策河者必及漕策漕者必及河明初治運河者有陳瑄宋禮等治黃河者有王永和石璞徐有貞等而總理河道之設則自成化七年王恕始然終明之世河漕之任分合不常自王恕之後至萬厯五年吳桂芳以工部尙書兼理河漕而河漕之務合至十六年潘

季馴以右都御史總理河道而河漕之事又分至二十六年又撤總漕而楊一魁兼理河漕至三十年又分設河漕二臣而曾如春總督河道自是以訖明終河漕之務不復合矣明會典成于明萬曆十五年故於總理河漕云萬曆八年革明史河渠志於萬曆十六年以後書河漕二職之分合頗詳而職官志但襲會典之原文於萬曆時總河之復設不復書須以河渠志參考之乃備也

**明會典**運河錢糧通惠河郎中所屬通州東安等七州縣椿草銀五百三兩六錢五分通州左右神武等九衛椿草銀六百十六兩○北河郎中所屬兗州府屬州縣并衛所

石灰十三萬八千觔糶麻九十六觔椿草糶麻銀五千五百三十五兩六錢八分副甄銀二百五十七兩七錢六分安山南旺等湖租銀三千三百三十五兩二錢四釐八毫各州縣裁革折徵撈淺淺鋪等夫二千二百八十名

每名歲徵

銀十兩渡夫二名

每名歲徵八兩

共該銀二萬七千三百七十六兩

萬曆四年議定每名連椿草歲徵銀六兩著爲例每歲共該銀一萬三千六百九十二兩東昌府屬州縣并帶管德州德州左二衛及清河縣副甄一萬六千九百九十三箇石灰九千二百觔椿草糶麻甄灰銀二千四百八十八兩六錢四分各州縣裁革折徵撈淺淺鋪夫八百六十二名萬曆四年議定每名連椿草歲徵銀六兩每兩共該銀五千

一百七十八兩河間府屬州縣并衛所椿草銀二百五十八兩五錢六分葦草銀二百三十五兩三錢六分榮麻副甄銀各五十三兩四分石灰銀二十六兩五錢二分○南河郎中所屬淮安府屬天妃閘以北邳州清桃睢宿五州縣并邳州衛椿草甄灰銀四百六十九兩八分廬鳳二府并滁和二州徵解邳州河隄防守夫銀一萬二千九十六兩徐州并屬縣椿草甄灰銀八百七十九兩八分廬鳳二府并揚州府屬州縣徵解徐州停役夫協助河工銀一千三百九十九兩二錢徐州庫收支徐州洪稅協濟河工錢糧歲徵無定額約萬餘兩不等○管泉主事所屬濟兗二府有泉州縣額徵泉壩錢糧椿草銀四百五十三兩一錢

二分壩夫銀二百一十一兩二錢裁革泉夫折徵銀九千二百十四兩裁革壩夫折徵銀一千五百四十四兩裁革泲濟河淺夫折徵銀二百八十八兩萬厯四年議定每名連椿草歲徵銀六兩○黃河錢糧山東管河道副使所屬兗州府屬州縣隄鋪夫銀九千八百六十兩○河南管河道副使所屬開封等八府并汝州河堡夫銀三萬二千八百五十三兩

謹案明時河帑直隸江南掌以管河郎中河南掌以副使山東以郎中主事副使分掌今並以道員主之

明史職官志按察使副使僉事分司諸道河南有管河道明會典濟寧兵備一員專管河鹽臨清兵備一員帶管分

巡馬政河道○宏治三年令山東勸農二參政兼理山東河道嘉靖八年令徐州兵備副使兼理曹沛徐淮一帶黃河隆慶六年添設河南副使一員給敕專管黃河修築隄岸

明史河渠志宏治七年分漕河沛縣以南德州以北及山東爲三道各委曹郎及監司分理○宏治十一年河南管河副使張彙請於武陟木欒店別鑿一渠下接荊隴口

謹案宏治時已有河南管河副使而隆慶六年又添設一員則管河副使有二員矣山東勸農參政及濟寧臨清二兵備兼理河務而河南二副使則專理河務者也續文獻通考知州同知通判或兼管河分職任事

明會典景泰三年設山東府州縣管河官宏治八年革淮陽二府山陽等縣管河通判主簿正德二年革河南新鄉獲嘉武陟等縣管河主簿八年設大名府通判一員京明長垣武城曹縣主簿各一員專管河道嘉靖十四年復設直隸景州滄州管河通判十五年設兗州府同知一員疏濬泉源二十四年添設歸德府通判一員商邱縣主簿一員專管河道二十五年改兗州府管泉同知爲管河同知駐劄曹縣添設單縣管河主簿一員萬曆三年革兗州府南旺管河通判令本府管河同知帶管仍兼管泉四年添設山東督濬官東平濟寧二州各判官一員泰安州吏目一員汶上曲阜鄒滕四縣各縣丞一員泗水魚臺二縣各

主簿一員新泰萊蕪肥城平陰寧陽滋陽嶧七縣各典史一員鉅野嘉祥共典史一員又添設淮安府管河同知一員十三年令山東濟青登萊四府管糧同知及所屬州縣管糧官俱帶管水利

明史職官志壩官閘官掌啟閉蓄洩

續文獻通考閘官掌啟閉蓄洩壩官掌典守隄防各率其役以通舟楫之利

明會典嘉靖十三年復設沽頭閘主事并新興黃家湖陵等七閘官吏人夫二十年置境山鎮閘及官吏人夫隆慶六年又題復夏津魚臺二縣各主簿一員專管新河石隄閘壩萬曆十一年設梁境古洪各閘官一員

謹案明時尚有管閘主事會典所載有濟寧管閘主事沽頭管閘主事南旺管閘主事今無此官

明會典永樂十九年遣侯伯各二員分理濟寧等閘及徐州呂梁二洪通州等處河道○濟寧衛管河指揮一員

謹案河自三代以後至宋時漸徙而南為患始甚然其時河淮猶未合也至明而全河併注于淮故為患視前代為尤亟而二洪以下運道所資鳳陽又祖陵所在故治河之任視前代為尤重其後河患不已論者多欲別開運道或欲如元時行海運或欲開膠萊由馬家濠通海道或欲復老黃河故道類皆虛言不可施用惟潘季馴專主保高堰束淮水以刷黃流實為不易之論又明

時綱紀漸隳官方不肅任事之臣無不利于河決者侵  
尅金錢則自總河以至于閘官無所不利支領工食則  
自執事以至于游閒無食之人無所不利而獨朝廷受  
其害上多苟且之政下鮮實心之臣是以河務日壞我

國家六府孔修百川順軌

聖祖仁皇帝軫念河防屢舉

南巡之典

閱視河隄定以清敵黃之法浚張福口引河築歸仁隄疏人字

芒稻諸河改中河運道而移仲莊閘於楊家莊凡所

指畫悉爲治河典則

世宗憲皇帝命發帑金數百萬增築高家堰利賴貽諸奕世我

皇上法

祖勤民於河工重務尤深

廛念

親臨相度條畫周詳如堅閉高郵三壩高堰五壩定清口水

誌以時拆築開陶莊引河導黃使北加甃高堰磚工接

築徐州石隄諸大興作並爲自來河臣所不能知不敢

議者備蒙

睿裁指授卽平時間有施工之處繪圖入告者仰承

丹毫點定洞悉形勢不爽毫釐河臣等祇稟

宸謨得所遵守是以利興弊革永慶安瀾自古河渠溝洫志

所載議論雖繁施行無當平成之績固未有盛于今日

者也

職官表卷五十九

欽定歷代職官表卷五十九

番禺陶紹學初校  
南海桂 坵覆校  
番禺陶福祥再覆校

欽定歷代職官表卷六十  
漕運各官表

總督	漕	運
		三
		秦
		漢
		後
		三國
		晉
		<small>宋齊梁陳</small>
		魏
		齊
		隋
		唐
		五季
		宋
		遼
		金
		元
		明

職官表卷六十  
漕運各官表  
廣雅書局







簡充一年而代順治初治明制造御史巡漕七年裁巡漕御史  
以糧道逐程分押雍正七年以糧船過淮抵通多有陋規  
分遣御史二人往淮安稽察二人往通州稽察乾隆二年  
定制巡漕御史四人一駐淮安巡察江南江口至山東界  
一駐濟寧巡察山東臺莊至直隸界一駐天津巡察至山  
東界一駐通州巡察至天津

督糧道江南二人山東河南江西浙江湖南湖北各一人

四正

掌監察兌糧督押運艘而治其政令江南江安糧道駐江  
寧蘇松糧道駐常熟山東糧道駐德州河南以開歸道兼  
理及江西浙江湖北湖南糧道並駐省城每年糧船起幫  
督押過淮盤驗畢回任料理新糧山東河南糧道每年押  
運抵通雍正四年令總漕於江蘇二糧道內每年委一人  
親押過山東入牖俟江南糧船盡數過淮卽回本任乾隆  
四十八年定各省糧道俱押本省糧船抵臨清盤驗方回  
本任惟山東糧道上下饋運俟總漕押送尾幫抵臨清然  
後回任

謹案明時十三省各以布政司參議督糧

國朝亦沿明制各省並設督糧道以司倉儲江南山東河  
南江西浙江兩湖而外若福建陝西廣東雲南貴州皆  
有糧道甘肅有巴里坤糧道然皆非總漕所轄其職掌  
皆入司道表中於漕事無與也

管糧同知六人

正五品

通判三十三人

正六品

掌監兌漕運凡米色之美惡兌運之遲延及運軍橫肆苛求衙役需索姦蠹包攬攬和等弊皆司其禁戢之政初漕糧以府推官監兌康熙六年各府推官既裁改委同知通判山東以武定府同知濟南兗州東昌泰安曹州五府通判河南以歸德衛輝懷慶三府通判江南以江寧蘇州松江鳳揚四府管糧同知蘇州安慶寧國池州太平廬州揚州七府管糧通判松江鎮江徐州三府糧捕通判淮安府軍捕通判浙江以湖州府同知杭州嘉興二府通判江西以南昌吉安臨江三府通判湖北以武昌漢陽黃州安陸德安荊州六府通判湖南以長沙衡州岳州三府通判

押運同知通判十六人

正六品

掌督押糧艘管束運軍禁沿途遲延侵盜攬和之弊山東一人河南一人江南七人

舊制五人乾隆元年增二人 浙江三人江西二人

舊制一人乾隆元年增一人 湖北一人

舊制四人乾隆元年裁三人 湖南一人

總漕會同督撫于各省同知通判內選委抵通日倉場侍郎送部引

見部給限單管押回空到淮總漕察覈逾限者參處

漕標副將一人

從二品 遊擊一人都司二人守備二人管理塘務一人千總四人把總十人

掌催護糧艘漕標副將一人所屬中營都司一人守備二人左營都司一人右營遊擊一人管理塘務一人左右哨

千總四人把總十人

領運守備五人衛守備九人正五品守禦所千總十三人從五品千

總一百八十六人從六品隨幫效力武舉每幫一人

漕糧領運直隸通州左所右所天津左所右所領運千總

各一人均領河○山東濟寧衛守備一人前後及前左後

右漕船四幫任城一幫每幫領運千總二人德州衛德州

左衛東平守禦所東昌衛濮州所平山前幫後幫領運千

總各二人臨清衛山東前幫後幫領本省運河南前幫後幫領

運南蘇糧幫隸蘇州每幫領運千總二人○江南江安糧道

所屬興武江淮二衛守備各一人漕船各九幫淮安衛守

備一人漕船四幫大河衛守備一人漕船三幫揚州衛守

備一人漕船三幫儀徵一幫徐州衛守備一人本衛漕船

一幫河南前後二幫領河安慶新安宣州建陽廬州滁州

泗州七衛漕船各一幫鳳陽衛守備一人本衛漕船常州

一幫原鳳中常州三幫長淮衛守備一人本衛漕船四幫

宿州衛二幫每幫領運千總二人○浙江杭州衛漕船四

幫嘉興湖州嚴州二所各一幫台州温州二衛各二幫每

幫領運千總二人紹興處州二衛漕船前幫領運守備各

一人千總各一人後幫領運千總各二人海寧衛金衢所

領運守禦千總各一人衛千總各一人○江西南昌衛漕

船前幫領運守備一人千總一人後幫領運千總二人袁

州贛州二衛漕船各一幫領運守備各一人千總各一人

九江衛漕船二幫領運千總各二人吉安安福永新撫州  
建昌廣信鉛山饒州八所漕船各一幫領運守禦千總各  
一人衛千總各一人○湖北武昌衛武昌左衛蘄州黃州  
襄陽沔陽岳州五衛荊州衛荊州左衛右衛湖南三幫領  
運千總各一人以上各省各幫每幫隨幫效力武舉一人  
○白糧領運江蘇蘇州府太倉州運白糧船共一幫松江  
常州二府各一幫浙江嘉興湖州二府各一幫領運千總  
每幫各二人隨幫效力武舉各一人

### 歷代建置

謹案三代無漕運之事秦漢變封建爲郡縣始漕郡國  
之粟以給京師然漢時漕事皆郡縣自辦朝廷未嘗設  
官以領之西漢末嘗置都尉以司其防護至東漢初又  
罷晉初始以大司農部護漕掾其後又以都水使者督  
運然司農本掌倉儲都水官職司水利皆非專掌漕事  
者自是以後至唐開元以前公私漕運皆以都水官兼  
掌而已自唐先天置發運使開元又置轉運使于是領  
漕始有專職宋遼金沿唐制置發運轉運漕運等使至  
明置漕運總督而今因之此實漕運一官之沿革也然  
唐開元以前之大司農都水官雖非專司漕事而其時  
別無統領漕運之官職掌所及未可概畧大司農已見  
倉場侍郎表都水官已并入工部都水司職中又見河  
道表今互見其畧于此表焉又案漕運有資以給京師

者有資以給邊境及軍旅者通典漕運一門二者並載但總漕一官專主於京師之輓運而軍與與邊塞所需皆不與焉通典中所載如秦之轉輸北河隋之運糧涿郡鄧艾之開渠陳項刁雍之造舟沃野雖並關於足食實無與于上供今並不錄云

三代

未置

謹案三代之時王畿千里之外皆為侯國其於天子惟有服食器用之貢而無粟米之輸將至畿內之地禹貢所謂稔結粟米則又皆民間自為運致而已故其時無司轉運之官若春秋時秦輸晉粟自雍及絳吳城邗溝以通運道則以郵鄰國之災患與自給其師旅之費既非所以供天子之都而亦不以為經常之法也

秦

新唐書食貨志杜佑言秦漢運路出浚儀十里入琵琶溝絕蔡河至陳州而合○秦漢時故漕興成堰東達永豐倉謹案漕運實始于秦主父偃言秦飛芻輓粟起于黃腫琅邪負海之郡轉輸北河此以海運給邊塞唐志言秦時運道如此此以河運給京師然掌運之官尙未見于史也

漢

漢書卜式列傳為成臯令將漕最○朱博列傳為護漕都尉

後漢書光武帝本紀建武七年二月罷護漕都尉官

謹案漢初漕關東粟以給中都官歲不過數十萬石至武帝時河東守番係言漕從山東西歲百餘萬石至宣帝時大司農耿壽昌言故事歲漕關東穀四百萬斛以給京師蓋其爲數之多如此賈誼新書云今漢越兩諸侯之中分而乃以廬江爲之奉地雖秦之遠邊過此不遠是江淮之粟當時已至京師蓋其爲塗之遠又如此然漢書百官表後漢百官志皆不見有專司轉運之官惟護漕都尉之官見於朱博傳未知其所由起然第主其防護而已亦非總領漕運之事蓋漢時關東穀給中都官者皆郡國自遣人輸送太倉令居京師以受之而已意秦制亦必如此蓋漕畿外之粟以供天庾始於秦漢而掌運尙未有專官也

### 三國

酈道元水經注魏景初二年二月帝遣都督沙丘部監運諫議大夫寇茲平河咀

謹案魏時漕事蓋亦郡國自遣官輸送而朝廷遣大夫監之此卽後世巡漕御史之任也

### 晉

晉書職官志大司農統襄國都水長東西南北部護漕掾宋書百官志晉武帝置都水使者懷帝永嘉六年劉聰入洛陽都水使者爰濬先出督運得免然則武帝置職使掌

運矣

謹案秦有治粟內史掌穀貨漢改爲大司農其屬有太倉令受郡國傳漕穀蓋若今倉場侍郎受漕粟而轉運則非其所掌也晉初大司農統護漕掾始以受粟之官兼職運粟之事矣漢置都水使者以主水利至晉時以都水使者督運則又以河渠之官兼司轉漕之務矣哀帝以司農併入都水後雖復置司農而不復領漕務第以都水官兼掌自此以後宋之都水使者兼掌舟航及運部梁之大舟卿兼主舟航河隄隋唐之都水監兼領舟楫河梁二署皆與晉時職掌無異至唐先天時置發運使開元時置轉運使于是舟楫署廢而都水監始于

漕務無與矣

〔水經注〕晉泰始三年五月武帝遣監運太中大夫趙國都匠中郎將河東樂世修治河灘

〔晉書孝武帝本紀〕太元六年置督運御史官

謹案魏時有監運諫議大夫晉泰始時有監運太中大夫是魏晉時常以大夫監運孝武置督運御史卽監運大夫之職後世以御史巡漕實昉於此

宋齊梁陳

〔宋書百官志〕都水使者一人掌舟航及運部

謹案宋以都水使者掌運部齊梁以後及北朝皆因之其職蓋兼有今河道漕運二總督之任表亦互見焉

職官表卷六十一

漕運各官

廣雅書局



北魏

杜佑通典魏三門都將薛欽上言計京西水次汾華二州恆農河北河東平陽等郡年常綿絹及貲麻皆折公物僱牛車送京道險人弊費公損私畧計華州一車官酬絹八匹三丈九尺別有私人僱價布八十四匹河東一車官酬絹五匹二丈別有私人僱價絹五十四匹自餘州郡雖未練多少推之遠近應不減此今求車取僱絹三匹市材造船不勞採斫計船一艘舉十三車車取三匹合有三十九匹僱作手并匠及船上襍具食直足以成船計一船贖絹七十有八匹布七百八十匹又租車一乘官格二十斛成載私人僱價遠者五斗布一匹近者一石布一匹准其私費一

車有布遠者八十四匹近者四十四匹造船一艘計舉七百石准其僱價應有千四百匹今取布三百匹造船一艘并船上覆理雜事計一船有贖布千一百匹又其造船之處皆須鋸材人功併削船茹依功多少卽給當州郡兵不假更召汾州有租傭調之處去汾不過百里華州去河不滿六十并令計程依舊酬價車送船所船之所運惟達潯陂其陸路從雷陂至倉門調一軍僱絹一匹租一車布五匹則于公私爲便尙書度支郎中朱元旭計稱今較薛欽之說驗跡未彰而指況甚善所云以船代車是策之長者若以門兵造車便爲闕彼防城無容全依宜令取僱車之物市材就作及倉庫所須悉以營辦七月之始十月初旬合州

郡綱典各受租調于所在然後付之十車之牛畱車士四人佐其守護粟帛上船之日隨運至京將共監慎如有耗損同其陪徵河中缺失專歸運司輸京之時令其卽納不得雜合違失常體必使量上數下謹其受入自餘一如其例計底柱之艱號爲天險迅驚千里未易其功然旣陳便利無容輒抑若效充其說則附例酬庸如其不驗徵填所損今始開棚不可懸生減折且依請營立一年之後須知贏費歲遣御史校其虛實脫有乖越別更量裁尙書崔林按欽所列實允事宜郎中之計備盡公理但舟楫所通遠近必至苟利公私不宜只在前件昔人乃遠通褒斜利關中之漕南達交廣以增京洛之饒況乃漳洹夷路河濟平

流而不均彼省煩同茲巨益請諸通水之處皆宜率同此式縱復五百三百里車運水次計較利饒猶爲不少其欽所列州郡如請興造東路諸州皆先通水運今年租調悉用舟楫若船有所缺且賃假充事比之餽車交代息耗其先未通流宜遣檢行間月修葺使理有可通必無壅滯如此則發召匪多爲益實廣一爾暫勞久安永逸詔從之而未能盡行也

北齊

隋書食貨志齊租入臺者五百里內輸粟五百里外輸米後周

唐六典周司水中大夫一人

謹案後周之司水卽魏齊之都水使者也後魏齊周掌  
運之官皆不見于史然前此則晉以都水使者督運同  
時南朝則宋之都水使者掌舟航運部當時官制相沿  
其職掌諒當不異又北史魏刁靡爲薄骨律鎮將于河  
水之次造舟水運更以魏薛欽朱元旭之所言者觀之  
是當時租調有鎮將之處則鎮將主其輸將無鎮將之  
處則州郡職其綱運而都水官居京師以領之也

隋

〔通典〕隋開皇二年廢都水臺入司農十三年復置仁壽元  
年改臺爲監更名使者亦爲監煬帝又改爲使者尋又爲  
監加置少監又改監及少監爲令領舟楫河渠二署

謹案隋都水監所領之舟楫署卽主水運之官也晉嘗  
并司農入都水隋初又嘗并都水入司農蓋倉儲與漕  
輓之事本相關通故或以漕輓之職兼倉儲或以倉儲  
之官兼漕輓也

〔唐六典〕隋潼關渭南皆有倉以轉運之各有監官

謹案隋黎陽洛口諸倉監官如今倉監督已見倉場侍  
郎表惟潼關渭南監官兼司轉運則如今之押運官也

唐

〔舊唐書職官志〕都水監總河渠舟楫二署之官屬舟楫署  
令一人丞二人掌公私漕運之事

〔新唐書百官志〕都水監舟楫署有令一人掌舟楫運漕漕

正二人府三人史六人監漕一人漕史二人典事六人掌固八人上元二年署丞二人掌漕運隱失開元二十六年署廢

舊唐書食貨志開元二十二年以裴耀卿爲黃門侍郎同中書門下平章事充江淮河南都轉運使以鄭州刺史崔希逸河南少尹蕭炅爲副天寶三載楊釗以殿中侍御史爲水陸運使肅宗初第五琦請以江淮分置租庸使市輕貨以救軍食遂拜監察御史爲之使乾元元年加度支郎中尋兼中丞爲鹽鐵使寶應元年以侍御史穆寧爲河南道轉運租庸鹽鐵使尋加戶部員外遷鄂州刺史以總東南貢賦是時朝議以寇盜未戢關東漕運宜有倚辦遂以

通州刺史劉晏爲戶部侍郎京兆尹度支鹽鐵轉運使鹽鐵兼轉運自晏始也晏始以鹽利爲漕備自江淮至渭橋率十萬斛備七千緡補綱吏督之不發丁男不勞郡縣蓋自古未之有也自此歲運米數千萬石自淮北列置巡院搜擇能吏以主之廣德二年復以第五琦專判度支鑄錢鹽鐵事而晏以檢校戶部尚書爲河南尹及江淮已來轉運使永泰二年晏爲東道轉運常平鑄錢鹽鐵使琦爲關內河東劍南三川轉運常平鑄錢鹽鐵使貞元元年元琇以御史大夫爲鹽鐵水陸運使八年詔東南兩稅財賦自河南江淮嶺南東道至于渭橋以戶部侍郎張滂主之河東劍南山南西道以戶部尚書度支使班宏主之順宗卽

職官表卷六十一  
位以杜佑判鹽鐵轉運使理於揚州大中五年二月以戶部侍郎裴休爲鹽鐵轉運使明年八月以本官平章事依前判使始者漕米歲四十萬斛其能至渭倉者十不三四漕吏狡蠹敗溺百端官舟之沈多者歲至七十餘隻緣河姦犯大紊晏法休使寮屬按之委河次縣令董之自江津達渭以四十萬斛之備計緡二十八萬悉使歸諸漕吏巡院胥吏無得侵牟由是三歲漕米至渭濱積一百二十萬斛無升合沈棄焉

新唐書李傑列傳先天中進陝州刺史水陸發運使置使自傑始韋堅列傳擢爲陝郡太守水陸運使

新唐書食貨志開元初河南尹李傑爲水陸運使運米歲

二百五十萬石二十五年崔希逸爲河南陝運使歲運百八十萬石二十九年陝郡太守李齊物鑿砥柱爲門以通漕

舊唐書德宗本紀大曆十四年以杜亞爲陝州長史充轉運使建中二年以姚明敷爲陝州長史本州防禦陸運使貞元元年以李泌爲陝州長史陝虢都防禦觀察陸運使十四年以崔宗爲陝州大都督府長史陝虢觀察水陸轉運使十六年以河南少尹張式爲河南尹水陸轉運使謹案唐初以都水監領舟楫署主公私漕運至先天中置水陸發運使開元中置都轉運使于是州楫署廢而都水官始不領漕事矣水陸發運使後又曰水陸運使

又曰水陸轉運使或但曰陸運使蓋唐時江淮民送租庸者皆輸於東都由東都陸運至陝又由陝水運至京師所謂水陸運使者掌自東都至京師水陸之轉運也其但曰陸運使則以水運之事併於諸道轉運使而此但掌其陸運也至元和六年而陝州刺史不帶運使則又以水陸運事並歸於諸道轉運使也故宣宗時韓休為轉運使以瀕河縣令董漕事自江達渭則河渭漕事皆轉運使主之矣大約唐之發運使轉運使皆為今總漕之職然發運使專司東都至京師轉運之事都轉運使則總司諸道而又兼掌鹽鐵及貨財出入之柄又兼今鹽漕察院倉場侍郎之職也

舊唐書敬宗本紀長慶四年五月東都江陵監大轉運留後並改為知院官從其使王涯請也

司馬光資治通鑑廣明元年二月高駢奏改揚子院為發運使胡三省注宋朝江淮發運使本此

謹案唐自開元以後以轉運使總各道租庸鹽鐵之轉輸以巡院留後分司之即今各省糧道之職任也廣明時高駢奏改揚子院為發運使至五代及宋鹽鐵轉運使變而為三司使而江淮六路之財賦但以發運使專主之矣

新唐書食貨志故事州縣官充綱送輕貨四萬書上考開成初為長定綱州擇清強官送兩稅至十萬遷一官往來

十年者授縣令江淮錢積河陰轉輸歲費十七萬餘緡行  
綱多以盜抵死判度支王彥威置縣遞羣畜萬三千三百  
乘使路傷民養以取傭日役一驛省費甚博而宰相亦以  
長定綱命官不以材江淮大州歲授官者十餘人乃罷長  
定綱送五萬者書上考七萬者減一選五十萬減三選而  
已及戶部侍郎裴休爲使以河瀕縣令董漕事自江達渭  
運米四十萬石居三歲米至渭橋百二十萬石

謹案唐兩稅皆民自輸送而州縣遣官督之通鑑所載  
盧承慶爲司列太常伯考一督運官遭風失米者是也  
貞元時轉運鹽鐵使嘗奏諸院自差綱般運然其後又  
以州縣官充綱如故開元初州縣官充綱送兩稅往來  
十年者授縣令則綱運官皆以簿尉充之與

五季

五代史張延朗列傳梁興置租庸使領天下錢穀廢戶部  
度支鹽鐵之官莊宗滅梁因而不改明宗入立廢其使以  
大臣一人判戶部度支鹽鐵號曰判三司詔以延朗充三  
司使

謹案唐時鹽鐵轉運使司鹽鐵租庸之轉輸而兼掌財  
貨出納之柄梁改置租庸使後唐又置三司使而猶仍  
唐制以鹽鐵轉運合爲一司則尙領漕務也至宋而三  
司使鹽鐵一司不帶轉運但以糧料案兼掌御河漕運  
發運案兼掌汴河廣濟蔡河漕運則於邦計詳而於漕

職官表卷六十一  
二  
務畧矣

宋

宋史職官志發運使副判官掌漕淮浙江湖六路儲廩以輸中都紹興二年用臣僚言省罷以其職事分委漕臣八年再置經制發運使以徽猷閣待制程邁充邁上疏以租庸常平鹽鐵鼓鑄各分於諸司而總於戶部發運使無所用之固辭不行九年遂廢發運使以戶部侍郎梁汝嘉為經制使檢察中外失陷錢物與催未到綱運為職未幾復以臣僚言分其責于諸路監司乾道六年復置以戶部侍郎史正志為兩浙京湖淮廣福建等路都大發運使是冬以奏課誕謾貶併廢其職○都轉運使轉運使副使判官

掌經度一路財賦而察其登耗有無以足上供及郡縣之費熙寧初詔河東河北陝西三路漕臣許乘傳赴闕畱毋過浹日既又詔三路漕臣自辟屬各二員以京朝官曾歷知縣者為之元祐初司馬光請漕臣除三路外毋得過二員其屬官溢員亦省之紹聖中詔淮浙江湖六路上供米計其近遠分三限自季冬至明年八月以次輸足大觀中陝西漕臣以四員為額政和中又詔陝西以三員熙泰兩路各二員宣和初又詔陝西以都漕兩員總治于長安而漕臣三員分領六路中興後置官掌一路財賦之入或別置隨軍轉運使一員或諸路事體當合一則置都轉運使以總之

江東西路分置三帥置都轉運使一員張公濟隨為兩浙荆湖廣南福建都運趙開為四川都運

職官表卷六十一 漕運各官



軍及都運廢置不常而正使不廢若副使若判官皆隨資之淺深稱焉○食貨志太平興國八年擇強幹之臣在京分掌水陸發運使雍熙四年并水陸路發運爲一司端拱元年罷京師水陸發運使以其事分隸排岸司及下卸司大中祥符初江南淮南兩浙荆湖路租糴于眞揚楚泗州置倉受納分調舟船泝流入汴以達京師置發運使領之陝西諸州菽粟自黃河三門沿流入汴以達京師亦置發運司領之粟帛自廣濟河而至京師者京東之十七州由石塘惠民河而至京師者陳頴許蔡光壽六州皆有京朝官廷臣督之河北衛州東北有御河達乾寧軍其運物亦廷臣主之

馬端臨文獻通考東萊呂氏曰國初未嘗有監司之目其始除轉運使只因軍興專主糧餉班師卽停罷太祖開寶五年命二參政事薛居正呂餘慶兼領提舉諸州水陸轉運使明年薛居正沈義倫拜相復以二相兼提舉水陸漕運事累朝以武臣爲帥守而兼漕事或以文臣任帥守兼漕

謹案宋於各路置轉運使以司一路之賦入而江南淮南兩浙荆湖六路又置發運使以總領其事蓋本唐時之揚子院畱後以鹽鐵轉運副使充之廣明時高駢奏改爲發運使至宋而鹽鐵轉運使變置三司使而江淮沿唐制置發運使以總鹽漕茶務實卽唐時轉運之職

也然宋之轉運使其初置本專以督糧餉而其後于一  
路之事無所不統邊防盜賊刑獄按廉之任皆總之蓋  
其稱雖曰漕帥而實則爲今日藩司之任矣其職掌已  
詳司道表中今仍互見於此焉

〔宋史食貨志〕初荆湖江浙淮南諸州擇部民高貴者部送  
上供物舟人侵盜官物民破產不能償乃詔牙吏部送勿  
復擾民○熙寧七年十二月詔濬廣濟河增置漕舟其後  
河成歲漕京東穀六十萬石東南諸路上供雜物舊陸運  
者增舟水運押汴河江南荆湖綱運七分差三班使臣三  
分軍大將殿侍○政和七年立東南六路州軍知州通判  
裝發上供量斛任滿賞格自一萬石至四十萬石升名減

年有差○宣和二年詔六路米麥綱運依法募官先募未  
到部小使臣及非泛補授校尉以上未許參部人并進納  
人管押淮南以五運兩淮及江東二千里內以四運河東  
二千里外及江西三運湖南北二運各欠不及五釐依格  
推賞外仍許在外指射合人差遣一次召募土人並罷

遼

〔遼史百官志〕轉運司職名總目某轉運使某轉運副使同  
知某轉運使某轉運判官○山西路轉運使司轉運判官  
司楊哲興宗重熙二十年爲山西轉運使○奉聖州轉運  
使司聖宗開泰三年置○蔚州轉運使司應州轉運使司  
朔州轉運使司保州轉運使司並開泰三年置○西山轉

運使聖宗太平三年見西山轉運使郎元化

金

金史百官志都轉運司使正三品掌稅賦錢穀倉庫出納  
 權衡度量之制同知從四品副使正五品都勾判官從六  
 品紀綱眾物分判勾案惟南京勾判兼上林署丞戶籍判  
 官二員從六品舊止一員承安四年增置一員不許別差  
 專管拘收徵尅等事支度判官三員從六品掌勾判分判  
 支度案事鹽鐵判官一員從六品都孔目官二員勾稽文  
 牘知法二員從八品

都勾案戶籍案鹽鐵案支度案開折  
 案司吏女直八人漢人九十八人抄事  
 一人譯史三人通事一人押遞五十人監運諸物公使八  
 十人惟中都路置都轉運司餘置轉運司省戶度判官各  
 一員南京西京北京遼東山東西路河北東路則置女直  
 知法漢知法各一員山東東路河南路北路河北西路

陝西路西路則置漢知法一員餘官皆同中都置女直  
 司司吏遼東路十人西京北京山東西路各五人餘路皆  
 四人譯史遼東路三人餘各二人通事各一人漢人司  
 吏課額一百八十萬貫以上者五十人百五十萬貫以上  
 四十五人百二十萬貫以上四十人九十萬貫以上三十  
 五人六十萬貫以上三十人三十萬貫以上二十五人不  
 及三十萬貫二十人公使人各七十人押遞南京山東東  
 西路河東南路河北西路各五十人西京河東北路河北  
 東路各四十人○泰和八年十一月省議以轉運使權輕  
 州縣不畏不能規指錢穀遂詔中都都轉運依舊專管錢  
 穀事自餘諸路按察使並兼轉運使副使兼同知簽按察  
 並兼轉運副添按察判官一員為從六品中都西京路按  
 察司官止兼西京路轉運司事遼東轉運副兼按察副使  
 同知轉運使兼簽按察司使轉運副使兼按察判官  
 謹案金於諸路設轉運使而於京師設都轉運使以總

之都轉運使又主倉庫之出納及支度鹽鐵之政實卽唐鹽鐵轉運使之職但唐時皆以宰相或他官充使而金則別置一官耳

〔金史百官志〕漕運司提舉一員正五品景州刺史兼領掌河倉漕運之事同提舉一員正六品勾當官從八品掌催督起運綱船司吏六人分掌課使起運兩科各設孔目官前後行各一人公使八十一人押綱官七十人景州依此置肇州以提舉兼本州同知同提舉兼州判謹案金都於燕京師有都轉運使又於景州置漕運司提舉猶唐置諸道轉運使而又於陝虢置發運使也金漕運司提舉秩正五品然於都轉運使各爲一司不相統轄至元而提舉司爲都漕之屬矣

〔金史河渠志〕泰和元年尙書省以景州漕運司所管六河倉歲稅不下六萬餘石其科州縣近者不下二百里官吏取賄延阻人不勝苦雖近官監之亦然遂命監察御史二員往來糾察之

元

〔元史百官志〕京畿都漕運使司秩正三品運使二員正三品同知二員正四品副使二員正五品判官二員正六品經歷一員正七品知事一員從八品提控案牘兼照磨二員掌凡漕運之事世祖中統二年立漕運所至元五年改漕運司秩五品十二年改都漕運司秩四品十九年改京畿都漕運使司秩正三品二十四年內外分立兩運司而

京畿都漕運司之額如舊止領在京諸倉出納糧斛及新  
運糧提舉司站車僱運公事省同知通判知事各一員而  
押綱官隸焉延祐六年增同知副使運判各一員其後定  
置官員已上正官各二員首領官四員吏屬令吏二十一  
人譯史二人同回令史二人通事一人知印二人奏差一  
十六人典史二人○新運糧提舉司秩正五品管站車二  
百五十輛都提舉一員同提舉二員副提舉一員吏目一  
員司吏八人奏差十二人○通惠河運糧千戶所秩正五  
品掌漕運之事中千戶一員中副千戶二員○都漕運使  
司秩正三品掌御河上下至置沽河西務李二寺通州等  
處僱運糧斛至元二十四年自京畿運司分立都漕運司

于河西務置總司分司臨清運使二員正三品同知二員  
正四品副使二員正五品運判三員正六品經歷一員從  
七品知事一員從八品提控案牘二員內一員兼照磨司  
吏三十三人通事譯史各一人奏差一十六人典史一人  
○滎陽等綱凡三十綱設押綱官二員計六十員秩正八  
品每編船三十隻爲一綱船九百餘隻運糧三百餘萬石  
船戶八千餘戶綱官以常選正八品爲之○兩都陸運提  
舉司秩正五品掌兩都陸運糧斛之事至元十六年始置  
運糧提舉司延祐四年改今名提舉二員從五品副提舉  
一員從七品吏目一員司吏六人奏差一十人海王莊七  
里莊魏家莊臘八莊四所各設提領一人用從九品印○

海道糧運萬戶府至元二十年置秩正二品掌每歲海道運糧供給大都達嚕噶齊一員萬戶一員並正三品副萬戶四員從三品經歷一員從七品知事一員從八品照磨一員從九品鎮撫二員正五品○海運千戶所秩正五品達嚕噶齊一員千戶二員並正五品副千戶三員從五品若溫台若慶元紹興若杭州嘉興若崑山崇明常熟江陰等處凡五所○漕運司至元二年五月京畿都漕運司添設提調官運副運判各一員九年添設海道巡防官給降正七品印信掌統領軍人水手防護糧船巡防官二員相副官二員○防禦海道運糧萬戶府至正十五年七月陞台州海道巡防千戶所為防禦海道運糧萬戶府九月置

分司于平江

元史羅璧傳至元十二年始運江南糧而河運弗便十九年因丞相巴延滿洲語富也原作伯顏今改正言初通海道漕運立運糧萬戶三而以璧與朱清張瑄為之

薛應旂續資治通鑑元糧運仰給江南者或自浙西涉入江淮由黃河逆至中灤陸運至淇門入御河以至京師又或自利津河或開膠萊入海勞費無成巴延平宋時遣朱清張瑄等載宋庫藏諸物從海道入京師二人遂言海運可通乃命總管羅璧暨瑄等造船六十艘運糧四萬六千餘石由海道入京然創行海洋亦逾年始至朝廷未知其利仍通舊運尋復因孟古岱蒙古語有銀也原作忙兀解今改正言海運為

便遂立萬戶府四總其事又併四府爲都漕運萬戶府一  
止令清瑄二人掌之

元史食貨志至元二十五年內外分置漕運司二其在外  
者於河西務置司領接運海道糧事至大四年遣官至江  
浙議海運事時江東寧國池饒建康等處運糧率令海船  
從揚子江逆流而上江水湍急又多石磯走沙漲淺糧船  
俱壞歲歲有之又湖廣江西之糧運至真州始入海船船  
大底小亦非江中所宜於是以嘉興松江入糧並江淮江  
浙財賦府歲糧辦充海運海運之利至是博矣

元史世祖本紀至元十九年十月由大都至中灤中灤至  
瓜州設南北兩漕運司命游顯專領江浙行省漕運二十

年八月濟州新開河成立都漕運司二十二年二月增濟  
州漕舟三十艘役夫萬二千人初江淮歲漕米百萬石於  
京師海運十萬石膠萊六十萬石而濟之所運三十萬石  
水淺舟大恆不能達更以百石之舟舟用四人故夫數增  
多二十五年二月改濟州漕運司爲都漕運司併領濟之  
南北漕京畿都漕運司惟治京師二十六年正月海船萬  
戶府言山東宣慰司樂實所運江南米陸負至淮安易開  
者七然後入海歲止二十萬石若由江陰入江至直沽倉  
民無陸負之苦且米石省運估八貫有奇乞罷膠萊道運  
糧萬戶府而以漕事責臣當歲運三十萬石詔許之二十  
八年正月罷江淮漕運司併于海船萬戶府由海道漕運

謹案元都于燕資海運以給京師然世祖平宋之初江淮之運尙未專由海道有中灤運道有新開河運道有膠萊運道其司漕務者有江淮都漕運使濟州都漕運使膠萊萬戶府其後海運通利而江淮濟州漕運司及膠萊萬戶府皆罷其京畿都漕運使則掌自通州運至京師又分置都漕運司于河西務及臨清接領海運自直沽運至通州而河南山東之漕不由于海道者亦掌焉都漕運使海運萬戶並爲今總漕之任而京畿河西務兩都漕掌諸倉以收納漕糧又兼今倉場侍郎之職也至兩都陸運提舉司掌自大都運米至上都隸于兵部本非都漕之屬以其職掌運粟故因類而附錄之焉

明

明史食貨志明初命武臣督海運嘗建漕運使尋罷成祖以後用御史又用侍郎都御史催督郎中員外分理主事督兌其制不一景泰二年始設漕運總督於淮安與總兵參將同理漕事漕司領十二總十二萬軍與京操十二萬軍相準初宣宗令運糧總兵官巡撫侍郎歲八月赴京會議明年漕運事宜及設漕運總督則併令總督赴京至萬厯十八年後始免凡歲正月總漕巡揚州經理瓜淮過關總兵駐徐邳督過洪入關同理漕參政管押赴京僭運則有御史郎中押運則有參政監兌理刑管洪管廠管關管泉監倉則有主事清江衛河有提舉兌畢過淮過洪巡撫



漕司河道各以職掌奏報○職官志總督漕運兼提督軍務巡撫鳳陽等處兼管河道一員太祖時嘗置京畿都漕運司設漕運使永樂間設漕運總兵官以平江伯陳瑄治漕宣德中又遣侍郎都御史少卿等官督運至景泰二年因漕運不繼始命副都御史王竑總督因兼巡撫淮陽廬鳳四府徐和滁三州治淮安成化八年分設巡撫總漕各一員九年復舊正德十三年又分設十六年又復舊嘉靖三十六年以倭警添設提督軍務巡撫鳳陽都御史四十年歸併改總督漕運兼提督軍督務

明會典督運官員總督都御史一員總兵官一員

謹案明永樂時設漕運總兵官蓋做元時海運萬戶府

之制以武臣總漕務宣德中或遣侍郎都御史等官督運而不常置漕務實總于總兵景泰中始設漕運總督於是總漕與總兵同司漕務而總漕之權重則總兵之任輕矣漕運總督並兼巡撫淮揚雖成化正德嘉靖間皆嘗分置巡撫然自嘉靖四十年歸併之後至崇禎時不改故朱大典史可法皆以總督漕運兼巡撫盧鳳淮揚等郡又明自宏治時置總河侍郎與總漕分理河漕其後二職亦分合不常明史職官志治明會典之文故總漕以兼管河道著銜蓋明會典成于萬曆十五年其時河漕并爲一職至萬曆十六年河漕又分理而職官志未之及也其詳見于河道表中

明史職官志十三道監察御史在外巡漕僭運

明會典僭運御史一員

舊用戶部郎中一員三月奏差後改差御史

謹案明會典永樂十六年令沿河壩閘每三處差御史一員僭運十七年令侍郎都御史並武職大臣各一員催督糧務宣德二年差侍郎五員都御史一員催督浙直府軍民糧運四年差侍郎都御史少卿郎中等官僭運宏治二年議准每歲于戶部郎中員外郎主事內推選一員領敕催僭運船隆慶六年題准給僭運郎中關防蓋明時僭運或遣卿貳或遣部曹或遣御史至萬厯時始定差御史而今因之

明史百官志督糧道十三布政司各一員俱駐省城

明會典天順元年令各處監兌民糧司府州每歲承委後先行本部知會經赴總督漕運官處比較○成化二十一年令每年戶部差官一員於山東河南南京戶部差官四員于浙江江西湖廣南直隸地方督同各司府州縣正官并管糧官徵兌○宏治三年取回各處監兌主事官止令各該管糧官監兌七年令兩京戶部差主事等官於湖廣江西浙江山東河南及南直隸等府催督監兌民糧○正德七年題准改委戶部屬官四員分往南直隸浙江江西湖廣地方監兌○嘉靖四十四年題准南直隸浙江江西湖廣等處監兌官各給關防一顆

謹案明時以各司府州正官及管糧官徵兌漕糧又遣

主事五員分督之見於明會典者如此

國初以府推官監兌乃沿明末之制蓋明之監兌主事萬  
厯十六年以後嘗罷遣而專以府佐監兌也

〔明會典〕押運參政一員

〔明史〕百官志漕運總兵官永樂二年設總兵副總兵統領  
官軍海運海運罷專督漕運天順元年又令兼理河道協

同督運參將一人天順元年設把總十二人南京二江南直隸  
二江北直隸二中

都一浙江二山東  
一湖廣一江西一

〔明會典〕運糧官軍南京把總二各領衛十三錦衣衛廣洋

衛江陰衛龍虎衛鎮南衛神策衛府軍衛府軍右衛豹韜  
左衛龍江右衛金吾後衛虎賁左衛雷守左衛以上把總  
一員領

旗手衛府軍左衛金吾前衛府軍後衛興武衛潘陽右衛

應天衛橫海衛水軍左衛水軍右衛龍虎左衛龍江左衛

羽林左衛以上把總  
一員領○江南直隸把總二領衛所十九建

陽衛新安衛安慶衛九江衛宣州衛鷹揚衛豹韜衛武德

衛雷守右衛虎賁右衛以上上江  
把總領鎮江衛太倉衛蘇州衛

鎮海衛雷守中衛驍騎右衛羽林右衛嘉興守禦千戶所

松江守禦千戶所以上下江  
把總領○江北直隸把總二領衛所

十五淮安衛大河衛泗州衛邳州衛壽州衛以上把總  
一員領揚

州衛高郵衛儀真衛廬州衛六安衛滁州衛通州守禦千

戶所秦州守禦千戶所鹽城守禦千戶所興化守禦千戶

所以上把總  
一員領○中都把總一領衛所十一雷守左衛雷守

中衛鳳陽衛鳳陽右衛鳳陽中衛懷遠衛長淮衛宿州衛

武平衛穎州衛洪塘湖屯田千戶所○浙江把總二領衛

所十三杭州前衛杭州右衛紹興衛海寧衛海寧守禦千

戶所湖州守禦千戶所嚴州守禦千戶所以上浙西寧波

衛台州衛溫州衛處州衛衢州守禦千戶所金華守禦千

戶所以上浙東○山東把總一領衛所十九臨清衛平山

衛東昌衛濟寧衛兗州衛護東守禦千戶所濮州守禦千

戶所以上係本徐州衛徐州左衛歸德衛德州衛德州左

衛天津衛天津左衛天津右衛通州左衛通州右衛定邊

衛神武中衛以上係裁革並洋併入本總數○湖廣把總一領衛所十

黃州衛荊州衛荊州右衛岳州衛襄陽衛沔陽衛德安守

禦千戶所○江西把總一領衛所十一南昌衛袁州衛贛

州衛吉安守禦千戶所安福守禦千戶所永新守禦千戶

所撫州守禦千戶所建昌守禦千戶所鉛山守禦千戶所

廣信守禦千戶所饒州守禦千戶所○宣德三年奏准各  
都司衛所選委指揮等官專一運糧不許別項差操○五  
年令巡按御史布按二司及漕運都指揮選舉管糧官員  
軍多衛指揮二員少者一員○十年令都督運糧都指揮  
等官許乘糧船一隻量帶官糧○凡有漕運地方成化十  
六年添設佐貳都指揮一員專掌漕運不與軍政

謹案前明漕運設旗甲以輓運之設運總以統領之設

漕道糧道以督押之設總漕巡漕以提衡巡察之逮於國朝循用不改然自宋以前皆用民運至元設萬戶府始以軍運明初行支運之法軍民並任其事其後變為兌運又變為長運民雖免於輸將失業而軍民交兌不免需索之弊

國初改為官收官兌酌定贈貼官為支給軍民兩便實為良法

列聖軫念民食湛恩時需民間荒歉則有改折之條運軍挂欠則有寬免之令燭吏胥之刁難以清弊竇禁商船之起撥以惠行旅深仁厚澤有加無已

皇上恩及運丁曲加體恤

天庾豐盈於上而軍忘輓運之勞民有倉箱之積洵前古所未有也

欽定歷代職官表卷六十

番禺陶紹學初校

南海桂 坵覆校

番禺陶福祥再覆校

欽定歷代職官表卷六十一

鹽政表

鹽政督撫兼管鹽政	
三	秦
	漢
	後漢
	三國
	晉
	宋齊
	魏
	北齊
	隋
	唐
	五代
	宋
	遼
	金
	元
	明

大農丞以謂者  
管鹽鐵射監  
事鹽官

鹽鐵使節度使轉運使  
節度使兼鹽鐵使  
兼鹽鐵使  
兼管茶  
鹽使

行臺御史  
史兼管  
鹽

職官表卷六十一  
鹽政表

廣雅書局  
廣雅書局







都轉運鹽使司運使長蘆山東河東兩淮兩廣各一人從三品鹽道兩浙福建陝西四川雲南各一人正四品其餘各直省行銷地方鹽法多由駐劄省城守巡道兼理

掌督察場民之生計與商之行息而平其鹽價水陸挽運必計其道里時其往來平其貴賤俾商無滯引民免澹食以聽於鹽政及兼理鹽政之督撫焉

國初定兩浙福建運使各一人康熙四十九年改兩浙運使為驛鹽道雍正四年改福建運使為鹽法道

分司運同長蘆山東河東兩廣各一人從四品運副兩浙一人從五品運判長蘆二人山東兩浙各一人兩淮三人從六品

運同運副運判掌分司產鹽之地而糾察之輔運使鹽道

以分治其事長蘆分司天津運同薊永運判各治場四滄州運同治場二山東分司濱樂運同膠萊運判各治場五兩淮分司泰州運判治場十有一通州運判治場九海州運判治場三河東中分司運同治山西解州安邑縣鹽池一場三兩浙分司寧紹運副治場二十嘉松運判治場十有二廣東分司惠潮汀贛運同治場十有三

國初定兩淮兩浙長蘆河東山東兩廣運同各一人副使一人兩淮運判四人兩浙長蘆山東河東運判各一人康熙十六年裁各鹽運同副使十七年復設長蘆山東兩浙鹽運同知各一人兩浙副使一人三十八年裁兩淮運判一人四十二年裁兩浙運同雍正二年增設河東兩廣運同

各一人

監掣同知兩淮二人正五品鹽課提舉司提舉雲南三人正五品

監掣同知掌掣鹽之政令鹽課提舉司提舉分轄鹽井之政職掌與運司所屬分司同

國初定雲南提舉司三人廣東提舉司一人雲南廣東吏目各一人康熙三十二年裁廣東提舉一人吏目並裁

鹽課司大使正八品長蘆山東各十人河東三人兩淮二十三人兩浙三十二人陝西一人廣東十三人四川七人雲南九人正八品

掌鹽場及池井之務凡直省有沿海及有池之地聽民闢地為場置竈開畦為鹽而授之商或官出帑收鹽授之商而行之以鹽課大使掌其池場之政令與場地之徵收其有井者分掌其政令皆治其交易審其權衡而平準之日稽其所出之數以杜私販之源

國初設大使之職酌場地池井之多寡而為之額嗣後因時分併增設如今額焉

鹽引批驗所大使長蘆山東兩淮各二人兩浙四人兩廣一人正八品庫大使長蘆山東河東兩淮兩浙福建兩廣四川雲南各一人正八品經歷長蘆山東河東兩淮兩浙兩廣各一人從七品知事長蘆河東兩淮兩廣各一人從八品巡檢兩淮二人從九品

批驗所大使掌批驗鹽引之出入庫倉大使掌鹽課之收納而監理其倉庫經歷知事掌稽核文書巡檢掌巡察鹽

場員額康熙以來陸續定設因其事之繁簡而置員其缺者則以運副運判及課大使兼理其事焉

歷代建置

三代

周禮天官鹽人掌鹽之政令以共百事之鹽賈公彥疏謂四方鹽來鹽有數種處置不同

謹案周禮有鹽人掌鹽之致用與後世設官徵課者不同蓋周時所建山澤之官皆掌其政令之厲禁而非以征權取財故鹽課之官為周時所未有然曰掌其政令以共百事則所以規度處置之者必有其法制焉而非僅若醢人醢人職司烹飪者比矣故附著之以明鹽政

設官之緣起

管子海王之國謹正注稅也音征鹽筴十口之家十人食鹽百

口之家百人食鹽終月大男食鹽五升少半大女食鹽三

升少半吾子食鹽二升少半注吾子謂少男少女也鹽百升而釜令

鹽之重升加分強釜五十也注分強半強也今使鹽官稅其鹽之重每一斗加半合為

強而後取之則一釜之鹽得五十合而為之強升加一強釜百也升加二強釜二

百也鍾二千十鍾二萬百鍾二十萬千鍾二百萬萬乘之

國人數開口千萬也注馬對也筴之商日二百萬又日齊有

渠展之鹽請伐菹薪煮水為鹽正而積之十月始征至於

正月成二萬鍾

春秋左氏傳晏子對叔向日海之鹽屨祈望守之

謹案管仲用齊負山海之利始興鹽鐵之征觀其論鹽雖少男少女所食亦將計之而煮海出鹽實由之始其鹽官置稅則後世以鹽事設官者亦肇端于此而左氏所云祈望之官亦其一也謹附著之以明相因所自云

秦

史記平準書秦賦鹽鐵之利二十倍於古漢興仍而未改謹案秦代鹽官無可考而利二十倍見於史文馬端臨云史言高祖省賦而復言鹽鐵之利仍秦者蓋當時封國至多山澤之利在諸侯王國者皆循秦法取之以自豐也

漢

史記武帝本紀元狩四年置鹽鐵官

史記平準書以東郭咸陽孔僅為大農丞領鹽鐵事孔僅咸陽言山海天地之藏也皆宜屬少府陛下不私以屬大農佐賦願募民自給費因官器作煮鹽官與牢盆敢私鑄鐵器煮鹽者鈇左趾沒入其器物

謹案漢初省賦弛山澤之禁不入於縣官經費故吳王濞得東煮海為鹽國以富溢至武帝始置鹽鐵官領于大農官與牢盆私煮有禁於是鹽始為官物民不得私其利矣其時郡國有鹽官者凡二十四見漢書地理志至昭帝時郡國舉賢良文學願罷鹽鐵官與御史大夫反復相難卒從而罷之其後旋罷旋復益不為定其經常之制

則牢籠盡取與廢弛不修弊正相等此武帝鹽鐵之官所以為代常制也

冊府元龜元帝時常罷鹽鐵官三年而復之

後漢書郡國志郡有鹽官鐵官者隨事廣狹置令長及丞本注曰凡郡縣出鹽多者置鹽官主鹽稅

馬端臨文獻通考明帝時官自鬻鹽時穀貴縣官用度不足尚書張林請官可自鬻帝以林言為然

冊府元龜後漢光武建武初彭寵為漁陽太守有舊鹽鐵官永元十五年復置涿郡故鹽鐵官

文獻通考獻帝建安初置使者監賣鹽時關中百姓流入荆州者十餘萬家企願思歸而無以自業衛覲議以為鹽

者國家之大寶自喪亂以來放散宜依舊置使者監賣以其直益市犁牛百姓歸者以供給之魏武于是遣謁者僕射監鹽官

謹案管仲興煮鹽之政其時已有鹽官武帝之置鹽鐵官特沿往制而漢書不詳其品秩至後漢郡有鹽官鐵官者隨事廣狹置令長及丞其秩皆如縣官則與隋志諸鹽池監品秩大略相當蓋如今鹽課大使之職也至建安初魏武遣謁者僕射監鹽官於是鹽官之上又設監以董之與巡鹽之職漸復相近然觀衛覲創議以為宜依舊置使是鹽官有監固不始於建安時考明帝時有官自鬻鹽之令則鹽官置監意必昉於其時矣

三國

杜佑通典魏制九品第六品司鹽都尉第八品司鹽監丞  
冊府元龜蜀先主定益州置鹽府校尉

晉

通典晉官制第六品司鹽都尉第六品司鹽監丞

謹案司鹽之職魏始置之晉代循而不改其云都尉蓋  
近於今都轉運鹽使監丞則運同運判之類也考漢末  
魏武以謁者僕射為鹽官監而魏晉官秩謁者僕射品  
在第五意晉代亦必循之而不改歟

宋齊梁陳

文獻通考陳文帝天嘉二年太子中庶子虞荔御史中丞

孔奐以國用不足奏立煮海鹽稅從之

北魏

魏書食貨志河東郡有鹽池嘗立官司以收稅既而罷之  
延興末復立鹽司○孝昌三年長孫稚上表曰鹽池天資  
賄貨密邇京圻昔高祖昇平之年無所乏少猶創置鹽官  
而加之典制非與物競利恐由利而亂俗也臣輒符司監  
將尉還率所部依常收稅更聽後敕

北齊無考

後周

文獻通考後周文帝置掌鹽之政令一曰散鹽煮海以成  
之二曰監鹽引池以化之三曰形鹽掘地以出之四曰飴

鹽於戎以取之凡監鹽每池爲之禁百姓取之皆稅焉

隋

隋書百官志鹽池置總監副監丞等員管東西南北面等四監亦各置副監及丞鹽池總監視從六品鹽池總副監視從七品鹽池四面監視正八品鹽池四面副監鹽池總監丞視從八品鹽池四面監丞視從九品

謹案隋始置鹽池監丞其制以四面監治鹽事而總監統領之蓋如鹽課大使之領於運同運判其制相爲彷彿而監下有丞則亦知事巡檢之類也

唐

唐書百官志諸鹽池監監一人正七品下掌鹽功簿帳

事一人  
史二人

唐書食貨志乾元元年鹽鐵鑄錢使第五琦初變鹽法就山海井竈近利之地置監院鹽鐵使劉晏以鹽吏多則州縣擾出鹽鄉因舊監置吏吳越揚楚鹽廩至數千積鹽二萬餘石有漣水湖州越州杭州四場嘉興海陵鹽城新亭臨平蘭亭永嘉大昌侯官富都十監自淮北置巡院十三曰揚州陳許汴州廬壽白沙淮西甬橋浙西宋州泗州嶺南充鄆鄭滑宣宗乃擇嘗更兩畿輔望縣令者爲監院官冊府元龜肅宗乾元元年司金郎中第五琦按唐書云鹽五琦蓋以郎中爲使正如今鹽政以京職差充也爲河南等五道度支使創立鹽法就山海井竈收榷其鹽官置吏出羅其舊業戶并浮戶

職官表卷六十一  
願爲業者免其雜徭隸鹽鐵使○元和三年七月復以度支安邑解縣兩池畱後爲榷鹽使先是兩池鹽務隸度支其職視諸道巡院貞元十六年史牟以金部郎中主池務遂奏置使額二十一年鹽鐵度支合爲一使以杜佑兼領佑遂奏院屬度支亦有使名則鹽務不合有使號遂與東渭橋給納使同奏罷之至是判度支裴均以其事益繇遂奏置使焉

謹案冊府元龜載唐元宗開元元年十一月河中尹姜師度以安邑鹽池漸涸師度開拓疏決水道置爲鹽池公私大收其利左拾遺劉彤請詔鹽官收其利遂令將作大匠姜師度戶部侍郎強循俱攝御史中丞與諸道

按察使檢校海內鹽鐵之課比令使人勾當蓋是時未立榷鹽之法亦未設鹽鐵使故姜師度等特與諸道按察使檢校鹽鐵也姜師度爲將作大匠強循爲戶部侍郎其出而檢校鹽鐵則俱攝御史中丞明代巡鹽以御史充蓋昉於此唐諸道有鹽鐵使起於第五琦設立鹽法之後至皇甫鎛又奏設安邑解縣兩池榷鹽使考鹽鐵使之職王播以刑部侍郎充裴休以戶部侍郎充令狐楚以左僕射充當時委任最重故戶部侍郎判度支張平叔特請以廟堂宰相充關內河東山劍等道鹽鐵使此與今之鹽政奉

特旨以部院及內務府官簡放而總其成於戶部其制略相



似也唐制雖以鹽鐵名使而所轄非止鹽鐵志載鹽鐵轉運使裴休立稅茶之法又諸道鹽鐵有應管銀山二十五所是也又一使往往兼數使之職唐書食貨志謂天下財賦鑄錢常平轉運鹽鐵置二使東都畿內河南淮南江東西湖南荆南山南東道以轉運使劉晏領之京畿關內河南劍南山南西道以京兆尹判度支第五琦領之是也李巽王涯盧坦鄒公綽崔瑛皆爲鹽鐵轉運使則以鹽鐵而兼轉運包估爲汴東水陸運兩稅鹽鐵使則以鹽鐵而兼兩稅令狐楚以鹽鐵兼權茶等使元琇以鹽鐵兼權酒等使今運使不兼他官專職鹺務鹽道亦不以使名雖與鹽鐵使微異而實分鹽鐵使之

職掌今之鹽政在明爲巡鹽御史職主巡察實董運使之成與唐之鹽鐵使職掌雖殊而體制同也唐志載所屬十監官及十三巡院官當與今十四分司相近唐志又載兩池權鹽使以郎官爲之專主河東池鹽度其職掌當爲今之河東運使矣

冊府元龜開成四年黨羌叛擾饋運不通供軍使請權市河東白池鹽供食其白池屬河東節度使昭宗天復元年梁太祖兼領河中節度使奏歲貢課鹽三千車臣令代領池場請加二千車

謹案唐鹽鐵使如今之鹽政而鹽鐵使之職或以朝臣充或兼領於節鎮如河東河中節度使之兼領池場是

也

國朝兩浙福建等省以督撫綜理鹽政益亦節鎮領權使之制也

五季

文獻通考後唐天成元年敕諸州府合散蠶鹽二月內一度俵散依夏稅限納錢○晉天福七年敕諸道應有保屬州縣鹽務並令省司差人勾當

冊府元龜唐開成元年蘇州刺史盧商變鹽法獲利最多鹽鐵使以課績上聞周廣順三年張崇訓以解州刺史充兩池鹽榷使奏寬鹽禁

謹案後漢時郡國有鹽者別立鹽官職如令丞至唐末

及五季始有以刺史管鹽事者其時刺史即今之郡守國朝台灣鹽場以知府管理職掌同鹽法道其制亦相仿也

宋

宋史職官志提舉茶鹽司掌摘山煮海之利以佐國用皆有鈔法視其歲額之登損以詔賞罰凡給之不如期鬻之不如式與州縣之不加恤者皆劾以聞政和改元詔江淮荆浙六路共置一員既而諸路皆置中興後通置提舉常平茶鹽司紹興五年戶部侍郎王鈇言常平之設科條實繁其利不一豈一主管官能勝其任乃詔諸路提舉茶鹽官改充提舉常平茶鹽公事如四川無茶鹽去處仍以提

刑兼充茶鹽司置官提舉本以給賣鈔引通商阜財時詣所部州縣巡歷覺察禁止私販按劾不法其屬有幹辦官既與常平合一遂並行兩司之事焉○提舉制置解鹽司掌鹽澤之禁令使民入粟塞下予鈔給鹽以足民用而實邊備凡鹽價高下及文鈔出納多寡之數皆掌之

文獻通考政和改元詔江淮荆浙六路共置茶鹽提舉一員宣和三年詔河北京東路推行新法鈔鹽可添置提舉官一員此提舉茶鹽之所始也宋茶鹽事舊隸發運司元豐間或以提刑兼領知通提既而諸路皆置建炎四年詔

逐路提刑司茶鹽司並依舊分東西路紹興二年詔荆湖北路復置提舉茶鹽司四年詔廣西茶鹽司官吏並罷其

職事委漕臣五年詔諸路提舉常平並入茶鹽司仍以提舉常平茶鹽等公事為名九年置經制司東南以茶鹽司兼領

謹案宋志謂發運使兼制茶鹽泉寶之政通考謂宋茶鹽事舊隸發運司元豐間或以轉運使兼提舉或以提舉常平官兼領陳傅良亦謂國初鹽筴只聽州縣給賣歲以所入課利申省而轉運司操其贏以佐一路之費至崇寧三年始別差官提舉茶鹽紹興八年以程邁充經制發運使邁上疏以租庸常平鹽鐵鼓鑄皆分於諸司而總於戶部發運使無所用之是則宋代鹽法自設提舉茶鹽司之後其職即有專屬不復統於諸路監司

職官表卷六十一  
四  
矣至通考謂二廣之鹽皆屬於漕司紹興八年詔廣東  
兩漕司鬻鹽以其息什四爲州用則漕司亦與茶鹽司  
並轄其政又通考載熙寧五年盧秉提點兩浙刑獄仍  
專提舉鹽事宋志建炎四年淮南東路罷提刑令提舉  
茶鹽官兼領然則提刑與茶鹽提舉二職又往往相通  
蓋其時嚴捕盜取刑禁苛酷鹽官之職卽刑官之職故  
權鹽或以提刑掌之也總而論之宋代經制不定變改  
甚多一權鹽之使或領於轉運或領於提刑或領於提  
舉常平又或罷漕憲提舉而以茶鹽司兼領之變遷紛  
出迄無常制以視我

朝之設官綜理大小相維較然畫一者相去蓋霄壤矣至

宋之茶鹽提舉與今之鹽課提舉異鹽提舉卽運同運  
判之職而宋之茶鹽提舉則今運使鹽道之職也

〔文獻通考〕元祐元年戶部及陝西制置解鹽司議延慶渭  
原環鎮戎保安德順等八州皆禁權官自鬻以萬五千五  
百席爲額商旅入納於八州軍折博務算給交引一如范  
祥舊法其出賣到鹽錢以給轉運司糴買從之

謹案唐有諸道鹽鐵使惟於兩池則專設權鹽使宋有  
諸道提舉鹽司惟於兩池則專設提舉解鹽司呂祖謙  
謂當時南方之鹽全在海北方全在解池南方之鹽管  
得其人則其害少惟北方解池之鹽有契丹西夏之鹽  
常相參錯奪解池之利又沈括筆談謂解州鹽澤方百

二十里其北有堯梢水一謂之巫咸河大滷之水不得  
甘泉和之不能成鹽惟巫咸水入則鹽不復結故人謂  
之無鹽河為鹽澤之患築大隄以防之甚於備寇盜據  
此諸說則解鹽較諸道利溥而弊多故條令極煩非專  
立鹽司不足以任其職也至祖謙謂解池之鹽朝廷專  
使以領之其實宋之解鹽司即本於唐之兩池權鹽使  
均因地以立制爾我

遼

遼史百官志五京諸使職名某京某使王崇重熙中為上

京鹽鐵使

王圻續文獻通考遼南面官上司有鹽鐵使司

金

金史百官志山東鹽使司與寶坻滄解遼東西京北京凡

七司使一員正五品他司皆同副使二員正六品他司皆一員

判官三員正七品泰和作四員寶坻解州設二員餘司皆一員掌幹鹽利以佐

國用管勾二十二員正九品寶坻解西京設六員北京遼

省監皆滄州則設四員同管勾都同掌分管諸場發賣收納恢辦之事同管勾五員都監

八員監同各七員知法一員司吏二十三人女直三人漢

使四十八人他司皆同

謹案唐之鹽鐵使宋之茶鹽司雖領鹺政而名兼茶冶

與今運鹽使司所掌稍有異同至金立鹽使司則卽今  
運鹽使司之職金制鹽使司有副使有判官則卽今之  
運副運判矣管勾二十二員掌分管諸場發賣收納恢  
辦之事則卽今之各場鹽課司大使而都監監同知法  
當卽今之經歷知事矣

元

元史百官志兩淮都轉運鹽使司秩正三品國初兩淮內  
附以提舉專掌鹽課之事至元十四年始置司於揚州使  
二員正三品同知二員正四品副使一員正五品運判二  
員正六品經歷一員從七品知事一員從八品照磨一員  
從九品三十年悉罷所轄鹽司以其屬置場官大德四年

復置批驗所於眞州采石等處鹽場二十九所場司令一  
員從七品司丞一員從八品管勾一員從九品辦鹽各有  
差批驗所每所提領一員正七品大使一員正八品副使  
一員正九品掌批驗鹽引○兩浙都轉運鹽使司秩正三  
品使二員同知二員運判二員經歷知事各一員照磨一  
員至元十四年置司杭州大德三年定其產鹽之地立場  
有差仍於杭州嘉興紹興溫台等處設檢校四所專驗鹽  
袋毋過常度鹽場三十四所每所司令一員從七品司丞  
一員從八品管勾一員從九品○福建等處都轉運鹽使  
司秩正三品使二員同知二員通判二員經歷知事各一  
員照磨一員至元十四年始置市舶司領前鹽徵課之事

職官表卷六十一  
二十四年改立鹽運司二十九年罷立提舉司大德四年復為運司九年復罷併入元帥府兼掌之十年復立都提舉司至大四年復陞運司徑隸行省凡置鹽場七所每所司令一員從七品司丞一員從八品管勾一員從九品○廣東鹽課提舉司至元十三年始從廣州煎辦鹽課十六年隸江西鹽鐵茶都轉運司二十二年併入宣慰司二十三年置市舶提舉司大德三年改廣東鹽課提舉司提舉一員從五品同提舉一員從六品鹽提舉一員從七品鹽場十三所每所司令一員從七品司丞一員從八品管勾一員從九品○四川茶鹽轉運司成都鹽井九十五處散在諸郡山中至元二年置興元四川轉運司專掌煎熬辦

課之事八年罷之十六年復立轉運司十八年併入四道宣慰司十九年復立陝西四川轉運司通轄諸課程事二十二年置四川茶鹽運司秩從三品使一員同知副使運判各一員經歷知事照磨各一員鹽場二十二所每所司令一員從七品司丞一員從八品管勾一員從九品○廣海鹽課提舉司至元三十一年置專職鹽課秩正四品都提舉二員從四品同提舉二員從五品副提舉二員正六品知事一員提控案牘一員

續文獻通考大都河間等路山東東路都轉運鹽使司設官與兩淮等處同大都常以戶部尚書充使山東以中書以左右部兼使俱頒分符印時巡行郡邑以防私鹽之弊

大都河間二十二所設官與前同山東東路鹽場一十九所設官與前同河東陝西等處鹽司所屬解鹽場管勾一員正九品同管勾一員從九品河東等處解鹽提領所正提領官一員從八品副提領一員從九品安邑等處解鹽管民提領所正提領設官同前檢校批驗所至正二年中書省講究鹽法奏准於杭州嘉興紹興台溫四處各置檢校批驗所直隸運司專掌批驗鹽商引冒均平袋法稱盤等事每所置檢校批驗官一人相副官一人

謹案元百官志載兩淮兩浙福建三都轉運鹽使司廣東鹽課提舉司四川茶鹽轉運司廣海鹽課提舉司凡六而元食貨志及續文獻通考又載大都河間山東陝

西諸運司百官志乃不載不知罷於何年也又考金史百官志有運副運判而無運同知元百官志載同知二員爲今運同之所昉也又考元食貨志載御史臺准陝西臺備咨監察御史建言近蒙委巡歷奉元東道至元元年各州縣戶口額辦鹽課又載福建山東俵賣食鹽病民爲甚行省監察御史廉訪司與該有司宜同訓究又載御史臺准江南諸道行御史臺備咨監察御史建言廣東道鹽額凡此皆以諸道行臺御史兼理鹽法與明制巡鹽御史相近明以御史巡鹽卽元食貨志所云委巡也雖元之行臺統一道之事鹽法非其專掌而實爲明巡鹽御史所自始今各省鹽政多以部院官充或



仍由都察院奏派雖沿明制實則開於元也至於金史  
運副運判之下即為管勾管勾之下又有同管勾都監  
等官管勾分司諸場則為今之鹽課大使可知元於各  
場司令之下又有司丞司丞之下乃為管勾則元之司  
令如今鹽課大使而管勾秩又較卑矣

明

明史職官志都轉運鹽使司都轉運使一人從三品同知一

人從四品副使一人從五品判官無定員從六品其屬經歷一人

從七品知事一人從八品庫大使副使各一人所轄各場鹽課

司大使副使各鹽倉大使副使各批驗所大使副使並一  
人俱未入流都轉運使掌鹽鹽之事同知副判分司之都轉運

鹽使司凡六日兩淮日兩浙日長蘆日河東日山東日福

建分司十四泰州淮安通州隸兩淮嘉興松江寧紹溫台

隸兩浙滄州青州隸長蘆膠萊濱樂隸山東解鹽東場西

場中場隸河東分副使若副判涖之督各場倉鹽課司以

總於都轉運使以奉巡鹽御史或鹽法道臣之政令福建

無巡鹽御史○鹽課提舉司提舉一人從五品同提舉一人從六品

副提舉無定員從七品其屬吏目一人從九品庫大使副使並

一人所轄各鹽倉大使副使各場各井鹽課司大使副使

並一人提舉司凡七日四川日廣東海北廉州日黑鹽井楚

日白鹽井姚安日安寧日五井大理日察罕諾爾舊作腦兒今改又有

遼東煎鹽提舉司提舉正七品同提舉正八品副提舉正九品其職掌皆如都

轉運司明初置都轉運司於兩淮吳元年置兩浙都轉運

司於杭州定都轉運使秩正三品設同知正四品副使正五品

運判正六品經歷正七品知事正八品照磨綱官正九品鹽場設司

令從七品司丞從八品百夫長注省洪武二年置長蘆河東二都

轉運司及廣東海北鹽課提舉司尋又置山東福建二都

轉運司三年又於陝西察罕諾爾之地置鹽課提舉司後

漸增置各處建文中改廣東提舉為都轉運司永樂初復

故十四年初命御史巡鹽景泰三年罷長蘆兩淮巡鹽御

史令撫按官兼理已復遣御史其無御史者分按察司理

之又洪武中於四川置茶鹽都轉運司洪武五年置設官如都轉運鹽使司

十年納奚白渡二鹽馬司洪武五年置以常選官為司令內史為司丞十三年罷尋復置

十五年改設大使副使各一人後並革又有順龍鹽馬司亦革○批驗所

大使一人副使一人掌驗茶鹽引

續文獻通考太祖丙午年初置都轉運鹽使司於兩淮吳

元年置於兩浙洪武二年置於河東陝西河間長蘆福建

五年置四川納奚白渡二鹽司馬及四川茶鹽都轉運司

又明年革茶鹽都轉運司十三年定都轉運使正四品後

改從三品鹽課提舉司國初已漸增設建文中改廣東鹽

課司為都轉運鹽使司又有煎鹽提舉司制如府

謹案鹽監之興乃天地自然之利而為民生日用所必

需其經制而攝理之於以通商惠民而上供國家之課

則在於立法用人之善自鹽絀致貢見於夏書成周有

山澤之賦有商賈之阜貨通財雖不專為鹽設而鹽實在其中至漢興鹽鐵置官唐多設鹽鐵之使唯劉晏為最善其上鹽法輕重之宜立常平鹽法輕稅減價而鹽課遂以日增其立法差善宋代鹽官或以監司兼管或特設提舉而轉兼監司之事累朝迭有改更而鹽法迄無定制明始立都轉運使鹽道鹽提舉等官而以巡鹽御史統之其弊也委用不得其人重為稅額復加之以格外之徵求倚勢作威剝商病民窮村遠壤至有經月不得鹽食者私販之禁既重民或糾徒持械冒禁取利盜劫縱橫肆無忌畏而官亦無以禁止之蓋至於商民俱困而國家亦不得收其利矣我

朝正定鹽法建官綜理各場大使專掌政令分轄於運同運判總屬於運鹽使鹽法道而以鹽政受其成至鹽政之差不專出於御史或由

特簡部院及內務府官員兼充或

定制以督撫兼理因地制宜綱維整肅復以時會計其奏課酌劑其價值之重輕與夫鹽法之宜更革者奏

聞裁定所以制海場池井之宜以資生計於編氓者規制靡不詳備

皇上愛民卹商同仁普利苟所司有股商自肥者立繩之以法以故羣商鼓舞享豐盈優渥之澤於無窮蓋法意精良洵非前代所可幾及也

